

**Kev Kawm Ua Hauj Lwm
PHAU NTAWV QHIA TXOG
TXOJ CAI NTAWM LUB
KHOOS KAS**

DVR-11074-P (R. 11/2022)

COV TXHEEJ LUS

Lus Coj Qhia

Lus Taw Qhia	1
Lub Hom Phiaj ntawm Lub Khoos Kas Kev Kawm Ua Hauj Lwm (VR)	1
I. Cov Cai Feem Dav	
Chaw Pw	2
Cov Ntawv Cog Lus Pom Zoo nrog Lwm Cov Koom Haum	2
Hom Kev Sib Txuas Lus Uas Tsim Nyog	2
Ntaub Ntawv Sau Khaws Tseg Rooj Plaub	2
Kev Ua Pej Xeem thiab Chaw Nyob	3
Lub Khoos Kas Pab Cuam Rau Qhua (CAP)	3
Cov Peev Txheej Hauv Zej Zog	3
Cov Ntaub Ntawv Kev Tsis Pub Lwm Tus Paub thiab Kev Tshaj Tawm	3
Cov Cai thiab Cov Kev Lav Ris Ntawm Tus Neeg Siv Khoom	4
Kev Sau Cov Ntaub Ntawv	5
Vim Yog Qhov Txheej Txheem	5
– Kev Daws Teeb Meem Tsis Raws Cai	5
– Kev Sib Kho	5
– Qhov Kev Sib Hais Ncaj Ncees	5
Lub Luag Hauj Lwm ntawm DVR Cov Neeg Ua Hauj Lwm	6
Txheej Txheem Kev Zam	6
Qhov Kev Xaiv Uas Tau Qhia	6
Kev xa mus rau Lwm Cov Khoos Kas	7
Kev raws sij hawm	7
II. Cov Cai Kev Nkag	
Mus Saib Hauv	9
Daim Ntawv Thov	10
Kev ntsuam xyuas hais txog Kev Txiav Txim Siab txog Kev Muaj Cai Tau Kev Pab	10
Kev Tsim Nyog thiab OOS Qhov Kev Pab Cuam Ntsuam Xyuas	11
III. Kev Tau Txais Cov Kev Pab Cuam Rau Txoj Cai	
Cov Lus Xaj ntawm Kev Xaiv (OOS)	12
Txoj Phiaj Xwm Rau Qee Leej rau Kev Ua Hauj Lwm	13
– Cov Kev Xaiv rau Kev Txhim Kho Txoj Phiaj Xwm rau Kev Ua Hauj Lwm	13
– Cov Txheej Txheem Yuav Tsum Tau Ua	13
– Cov Neeg Kos Npe	14
– Daim Ntawv Luam Tawm	14
– Kev Tshuaj Xyuas thiab Kev Hloov Kho	14
– Yam Yuav Tsum Tau Ua ntawm Txoj Phiaj Xwm rau Kev Ua Hauj Lwm	14

VR Cov Kev Pab Cuam rau Cov Neeg Siv Khoom.....	15
Cov Kev Paub Cuam Hloov Pauv Ua Ntej Kev Ua Hauj Lwm rau Cov Tub Ntxhais Kawm Ntawv	18
Tus Tub Ntxhais Kawm Uas Muaj Kev Xiam Oob Qhab	18
Xav Tau Cov Kev Pab Cuam Txhais Lus Ua Ntej Nkag Ua Hauj Lwm	18
Tus Tub Ntxhais Kawm Uas Tsim Nyog Tau Txais.....	19
Cov Nyiaj Nqi Zog Tsawg Kawg Nkaus rau Cov Hluas uas muaj Cov Kev Xiam Oob Qhab	19
VR Cov Kev Pab Cuam rau Cov Neeg Ua Hauj Lwm	20
Kev Nthuav Qhia Ib Xyoos Ib Zaug thiab Cov Kev Pab Cuam Tshuaj Xyuas	20

IV. Kev Them Nyiaj Txog Cov Cai Cov Kev Pab Cuam

Cov Kev Pab Cuam thiab Cov Txiaj Ntsig Tuaj Yeem Muab Piv Tau	22
.....	
Kev Sib Koom Pab Nyiaj Txiaj	22
Cov Kem Qhia Txog Tus Nqi.....	23
Tus Nqi Them Rau Kev Txiaj Txim Siab	24
Tej Ntaub Ntawv Hais Txog Qhov Xwm Txheej Fab Nyiaj Txiaj Uas Yauv Tsum Tau Muaj....	25
Kev Tso Cai rau Kev Pab Cuam	26
Cov Qauv Cai Ntawm Tus Neeg Muab Kev Pab Cuam.....	26

V. Cov Cai Kev Kaw

Kev Kaw Tseem Ceeb Heev Uas Tus Neeg Xiam Oob Qhab yuav tau txais Txiaj Ntsig los ntawm VR Cov Kev Pab Cuam.....	26
Kaw Ua Ntej Kev Muaj Cai Tau Kev Pab.....	27
Kaw Vim Tsis Muaj Cai Tau Kev Pab	27
Kaw tom qab Kev Txiaj Txim Siab Kev Muaj Cai Tau Txais Kev Pab	27
Kaw tom qab Tau Txais Qhov Txiaj Ntsig Ua Tau Los Ntawm Kev Ua Hauj Lwm	27
Kaw tom qab Tau Txais Qhov Txiaj Ntsig Ua Tau Ntawm Kev Ua Hauj Lwm hauv	
Kev Ua Hauj Lwm Uas Muaj Kev Txhawb Nqa.....	28
Kev ceeb toom txog Kev Kaw.....	28
Kev tshuaj xyuas Cov Neeg Siv Khoom Ua Hauj Lwm raws li Daim Ntawv Pov Thawj Them Nyiaj Nqi Zog Tsawg Tshaj Plaws.....	29
Cov Kev Pab Cuam Tom Qab Ua Hauj Lwm Lawm	29

Daim Ntawv Qhia Txog Kev Muaj Vaj Huam Sib Luag Txog Lub Hwv Tsam29

Cov Ntaub Ntawv Ntxiv

A – DVR Qhov Nyiaj Pab Txog Kev Cob Qhia.....	29
B – DVR Lub Kem Qhia Txog Npe	29

LUS COJ QHIA

Lus Taw Qhia

Lub hom phiaj ntawm phau ntawv qhia no yog los muab txoj cai ntawm lub khoos kas rau cov kev pab cuam kawm ua hauj lwm uas tau muab los ntawm Wisconsin Feem Hauj Lwm Saib Xyuas Kev Qhia Ua Hauj Lwm (DVR). Lub hom phiaj ntawm txoj cai yog los piav qhia txog qhov xav tseg raws li tsoom fww txoj cai lij choj thiab lwm cov kev cai tseem ceeb uas siv tau hauv tsoom fww thiab lub xeev. Tsis tuaj yeem ua rau kev zam rau cov cai uas tau teev tseg hauv tsoom fww txoj cai lij choj los sis lwm cov kev cai uas siv tau hauv tsoom fww thiab lub xeev. Cov lus taw qhia ntawm txoj cai no muab lub hom phiaj ntawm Txoj Cai Kev Kawm Ua Hauj Lwm Nqe I Xyoo 1973, uas tau hloov kho los ntawm Txoj Cai Kev Tsim Kho Tshiab thiab Cov Cib Fim Los Ua Hauj Lwm (WIOA) Xyoo 2014. Qhov no muab qhov pib rau kev nkag siab zoo ntawm lub khoos kas lub hom phiaj.

[WIOA Cov Cai Lij Choj thiab Cov Cai Kawg](#)

Txawm hais tias txoj cai qhia tias yuav tsum ua dab tsi, yuav tau txais ob peb cov txheej txheem qhia meej txog seb yuav ua li cas los siv cov cai no. Vim yog hom khoos kas ntiag tus, tsis muaj ib txoj hauv kev zoo tshaj plaws los ua kom tiav lub hom phiaj ntawm cov cai no. Nws ntseeg tau tias txhua tus neeg ua hauj lwm hauv lub koom haum yuav nkag siab thiab siv cov cai no raws li qhov tsim nyog tshaj plaws kom tau raws li txhua tus neeg txoj kev xav tau rau kev kawm ua hauj lwm.

Lub Hom Phiaj ntawm Lub Khoos Kas Kev Kawm Ua Hauj Lwm (VR) - 34CFR 361.1

Lub ub hom phiaj ntawm Txoj Cai Kev Kawm Ua Hauj Lwm Nqe I Xyoo 1973, uas tau hloov kho los ntawm Txoj Cai Kev Tsim Kho Tshiab thiab Cov Cib Fim Los Ua Hauj Lwm:

Txhawm rau muab qhov kev qhia dav, kev sib koom ua hauj lwm, ua hauj lwm tau zoo, ua tau zoo, thiab muaj lub luag hauj lwm txhim kho kev ua hauj lwm uas yog—

- (a) Ib feem tseem ceeb ntawm lub lab npauv kev txhim kho cov neeg ua hauj lwm thoob plaws hauv lub xeev; thiab
- (b) Tau tsim los tshuaj xyuas, kev npaj, txhim kho, thiab muab kev pab cuam kev kho kawm ua hauj lwm rau cov neeg xiam oob qhab, raws li lawv lub zog tshwj xeeb, cov peev txheej, qhov tseem ceeb, kev txhawj xeeb, lub peev xwm, cov peev xwm ua tau, kev txaus siab, thiab kev paub xaiv tshwj xeeb kom lawv tuaj yeem npaj txhij thiab muaj kev sib koom ua ke nrog kev sib tw kev ua hauj lwm thiab ua kom tau nyiaj txiag rau tus kheej txaus.

(Txoj Cai Tswj Hwm: Tshooj 12(c) thiab 100(a) ntawm Txoj Cai Kho Kev Kawm Ua Hauj Lwm Xyoo 1973, uas tau hloov kho; 29 U.S.C. 709(c) thiab 720(a))

I. COV CAI FEEM DAV

Chaw Pw

Cov kev pab, suav nrog kev txhais lus thiab kev txhais lus piav tes, yuav tsum tsim nyog tau txais, raws li qhov xav tau, thaum lub sij hawm cov txheej txheem ntawm VR txhawm rau kom cov neeg siv khoom tuaj yeem koom nrog rau qhov ua tau zoo tshaj plaws hauv lawv cov phiaj xwm rau kev txhim kho thiab kev siv. DVR yuav tsum tsis txhob muab cov kev pab uas yog lub luag hauj lwm raug cai ntawm lwm pawg neeg.

Cov Ntawv Cog Lus Pom Zoo nrog Lwm Cov Koom Haum 34 CFR 361.24

DVR cov neeg ua hauj lwm yuav tsum ua raws li cov lus cog tseg ntawm txhua daim ntawv cog lus los sis kev sau khaws tseg ntawm kev nkag siab (MOUs) tag nrho ntawm DVR thiab lwm lub chaw hauj lwm, cov koom haum, cov khoos kas txhim kho hauv zej zog thiab lwm cov neeg muab kev pab cuam.

Hom Kev Sib Txuas Lus Uas Tsim Nyog 34 CFR 361.5(a)(5)

Qhov kev sib txuas lus nrog cov neeg siv khoom los sis tus neeg sawv cev ntawm cov neeg siv khoom, raws li qhov tsim nyog, yuav tsum tau ntxiv los ntawm lwm txoj kev sib txuas lus uas tsim nyog raws li qhov xav tau. Hom kev sib txuas lus tsim nyog yuav tsum tau ua raws li cov kev xaiv uas tau txais cov ntaub ntawv ntawm cov neeg siv khoom thiab ua kom tus neeg siv khoom nkag siab thiab teb tau rau cov ntaub ntawv uas tau sib txuas lus.

Ntaub Ntawv Sau Khaws Tseg Rooj Plaub 34 CFR 361.47

Cov ntaub ntawv sau khaws tseg rooj plaub yuav tsum khaws cia rau txhua tus neeg tau muab kev pab cuam los ntawm DVR. Cov ntaub ntawv khaws tseg hauv khoos phis tawj Lub Lab Npauv Cov Ntaub Ntawv Kev Kho Kom Zoo Rov Qab Los Uas Tau Sib Koom Ua Ke (Integrated Rehabilitation Information System, IRIS) yog cov ntaub ntawv sau khaws tseg rooj plaub DVR uas raug cai.

Yuav tsum tau sau khaws tseg cov hauv qab no rau hauv cov ntaub ntawv sau khaws tseg rooj plaub IRIS:

- Cov ntaub ntawv txhawb nqa kev txiav txim siab hais txog qhov tsim nyog, kev txiav txim ntawm kev xaiv, thiab qhov tseem ceeb ntawm kev xiam oob qhab.
- Cov ntaub ntawv txhawb nqa kev txhim kho lub hom phiaj ua hauj lwm mus sij hawm ntev, cov kev pab cuam, thiab cov kev ntsuas.
- Txoj phiaj xwm rau kev ua hauj lwm thiab txhua qhov kev hloov kho.
- Kev tshuaj xyuas thiab kev ntsuam xyuas ntawm txoj phiaj xwm rau kev ua hauj lwm ua ntu zus.
- Kev ntsuam xyuas ua ntu zus tau ua hauj lwm thaum lub sij hawm mus nrhiav neeg ua hauj lwm ib ntus ua tau npaj tseg.
- Cov ntaub ntawv txhawb nqa rau kev pab cuam kev ua hauj lwm uas tau txais kev txhawb nqa.
- Cov ntaub ntawv tshwj xeeb uas xav tau rau txhua tus tub ntxhais kawm uas muaj kev xiam oob khab tau txais cov kev pab cuam kev hloov pauv ua ntej ua hauj lwm.
- Cov npe teev Kev Kawm thiab Kev Cob Qhia txhawm rau los soj lw taug qab Cov Kev Txawj Uas Ntsuas Tau (Measurable Skills Gains, MSGs) thiab Cov Ntawv Pov Thawj.
- Cov neeg siv khoom thov kom rov txiav txim dua thiab txhua qhov kev txiav txim siab los sis kev txiav txim los ntawm qhov kev thov ntawd.

- Cov ntaub ntawv txhawb nqa kev txiav txim siab los kaw cov neeg siv khoom cov ntaub ntawv sau khaws tseg rooj plaub, suav nrog kev txheeb xyuas cov ntaub ntawv sib tw ua hauj lwm ua tau koom ua ke thiab cov ntaub ntawv txog kev them nyiaj yog tias muaj.
- Cov ntaub ntawv txhawm rau los txhawb nqa kev txiav txim siab thiab kev ua hauj lwm ntawm DVR hauv kev muab kev pab cuam, tsis kam lees, los sis hloov pauv cov kev pab cuam thiab, raws li qhov uas tsim nyog, cov ntaub ntawv los ua tau raws li kev tswj xyuas cov ntaub ntawv xav tau suav nrog cov ntawv txais nyiaj ncaj qha thiab cov ntaub ntawv tuaj nrog.

Yog tias tus neeg siv khoom ntseeg tias cov ntaub ntawv hauv cov ntaub ntawv sau khaws tseg rooj plaub tsis raug los sis yuam kev, qhov kev thov thiab cov ntsiab lus ntawm kev sib tham nrog cov neeg siv khoom yuav tau sau rau hauv cov ntaub ntawv sau khaws tseg rooj plaub.

Kev Ua Pej Xeem thiab Chaw Nyob 34 CFR 361.42(c)(1)

Yuav tsis muaj kev teem ncuaj sij hawm tsev nyob rau cov neeg siv khoom tam sim no hauv lub xeev. Cov neeg txawv teb chaws uas muaj vis xaj tso cai rau lawv ua hauj lwm thaum nyob hauv lub teb chaws no tuaj yeem muaj cai tau txais cov kev pab cuam. Thov xa mus rau [Cov Lus Qhia Txoj Cai Chaw Nyob/Ua Neeg Pej Xeem](#) thiab [Cov Lus Qhia Kev Pab Cuam rau Cov Neeg Uas Tsis Nyob Huav- Xeev Wisconsin](#).

Lub Khoos Kas Pab Cuam Rau Qhua (CAP) Tshooj Cai Tswj Xyuas Kev Kho Kom Zoo Rov Qab Los. 20

Txhua tus neeg siv khoom yuav tau txais kev ceeb toom txog qhov uas muaj cov kev pab cuam CAP thoob plaws hauv txheej txheem kev kho txoj hauj lwm kom zoo rov qab los. (Saib Cov Cai thiab Cov Kev Lav Ris Ntawm Tus Neeg Siv Khoom)

Cov Peev Txheej Hauv Zej Zog 34 CFR 361.24

DVR yuav tsum, siv cov txiaj ntsig siab tshaj plaws ntawm cov khoos kas pej xeem los sis lwm yam kev cob qhia hauj lwm los sis kev cob qhia kev paub hauj lwm thiab lwm yam peev txheej hauv zej zog, nrog rau cov khoos kas kho mob kom zoo rov qab los hauv zej zog thiab lwm cov koom haum ua hauj lwm txhawm rau muab cov kev pab cuam VR raws li qhov tsim nyog.

Cov Ntaub Ntawv Kev Tsis Pub Lwm Tus Paub thiab Kev Tshaj Tawm CFR 361.38

Tag nrho cov ntaub ntawv ntiag tug yuav raug khaws cia tsis pub lwm tus paub. Cov ntaub ntawv ua lus hais thiab ua ntawv sau yuav raug nthuav tawm tsuas yog nrog kev qhia, kev pom zoo ntawm tus neeg siv khoom los sis tus neeg sawv cev ntawm tus neeg siv khoom, yog tias tsim nyog. Thov saib rau [Kev Taw Qhia Tsis Lwm Tus Paub](#) rau cov lus taw qhia fab txoj cai qhia txog kev nthuav tawm cov ntaub ntawv.

Cov Kev Zam

- Hauv kev tswj hwm lub khoos kas VR.
 - Kev tswj hwm lub khoos kas VR muaj xws li kev sib faib cov ntaub ntawv ntawm cov neeg siv khoom uas tsim nyog rau lub khoos kas VR los sis kev yooj yim ntawm cov neeg siv khoom rooj plaub DVR, suav nrog: kev yuav cov kev pab cuam raws li ib feem ntawm Txoj Phiaj Xwm Ntawm Tus Kheej rau Kev Ua Hauj Lwm (Individualized Plan for Employment, IPE), kev pab cuam kev saib xyuas, tau txais txiaj ntsig zoo sib xws, sib faib cov ntaub ntawv nrog cov neeg soj ntsuam raws li ib feem kev tshawb xyuas ntawm lub xeev, thiab sib faib cov ntaub ntawv nrog Lub Khoos Kas Pab Tus Qhua (Client Assistance Program, CAP) thaum tus neeg siv khoom tau thov lawv cov kev pab. Rau cov ntaub ntawv tshwj xeeb ntawm kev tso tawm cov ntaub ntawv rau CAP thov mus saib rau ntawm [Kev Taw Qhia Tsis Lwm Tus Paub](#).

- Cov ntaub ntawv uas tau sib qhia yuav tsum txwv rau qhov tsim nyog kom ua tiav cov hom phiaj uas nws muaj.
- Cov ntaub ntawv uas tau qhia yuav tsum yog rau lub hom phiaj ntawm lub khoos kas VR, **tsis yog** kom ua tau raws li lub hom phiaj ntawm lwm lub khoos kas los sis tus neeg siv khoom lub hom phiaj sab nraud ntawm lub khoos kas VR.
- Raws li qhov xav tau los tiv thaiv cov neeg siv khoom los ntawm kev puas tsuaj ntawm lub cev rau lawv tus kheej los sis lwm tus.
- Hauv kev teb rau kev tswj yuam siv txoj cai, kev dag ntxias, los sis kev tshawb nrhiav kev tsim txom.
- Hauv kev teb rau kev txiav txim xaj.
- Thaum xav tau los ntawm tsoom fwv txoj cai lij choj los sis cov cai tswj hwm rau kev soj ntsuam pom zoo, kev tshawb fawb, los sis kev tshuaj xyuas lub hom phiaj.
- Hauv qhov kev xav tias muaj kev tsim txom, kev tsis saib xyuas, kev siv, los sis kev tsim kev puas tsuaj, tshwj tsis yog muaj kev txwv tsis pub hais los ntawm tsoom fwv los sis lub xeev cov cai lij choj los sis cov cai.
- Cov ntaub ntawv tau txais los ntawm lwm lub koom haum yuav tsum tso tawm tsuas yog los ntawm lossis nyob rau hauv cov xwm txheej tsim los ntawm lwm lub koom haum.

Cov neeg siv khoom, los ntawm kev sib txuas lus tsim nyog, thiab cov neeg muab kev pab cuam yuav tsum tau qhia txog kev txwv tsis pub lwm tus paub thiab tso tawm. Kev kho mob, kev puas siab puas ntsws, thiab lwm yam ntaub ntawv txiav txim siab tias muaj feem cuam tshuam rau tus neeg siv khoom yuav tsum tsis txhob tso ncaj qha rau tus neeg siv khoom tab sis yuav tsum tso tawm rau lwm tus neeg siv khoom xaiv. Tej zaum cov ntaub ntawv yuav raug tso tawm rau cov niam txiv ntawm cov me nyuam yaus los sis cov neeg saib xyuas raug cai raws li cov xwm txheej uas tau tshaj tawm ncaj qha rau cov neeg siv khoom.

Txoj Cai Kawm Ua Hauj Lwm Cov Cai thiab Cov Kev Lav Ris Ntawm Tus Neeg Siv Khoom Tshooj. 20/34 CFR 361.57

Cov neeg siv khoom yuav tsum tau txais kev qhia txog lawv txoj cai, sau ntawv, suav nrog CAP qhov muaj, ntawm cov ntsiab lus hauv qab no thoob plaws hauv VR txheej txheem:

- Thaum lub sij hawm lawv thov kev pab cuam.
- Thaum muab tso rau hauv qeb OOS.
- Thaum lub sij hawm txiav txim siab tias tus neeg siv khoom tsis tsim nyog tau txais kev pab cuam VR.
- Thaum tus neeg siv khoom txoj phiaj xwm rau kev ua hauj lwm tau npaj los sis hloov kho.
- Thaum cov kev pab cuam raug tsis lees paub, txo qis, raug ncu, los sis raug txiav tawm.
- Thaum ua qhov kev txiav txim kaw rooj plaub.
- Raws li kev thov txhua lub sij hawm thaum lub sij hawm qhov txheej txheem VR los ntawm cov neeg siv khoom los sis, raws li qhov tsim nyog, tus neeg siv khoom tus neeg sawv cev.

Yog xav paub ntxiv, mus saib Daim Ntawv Qhia [Txheej Txheem Kev Ua Raws Cai thiab Txoj Cai Los Thov Rov Hais Dua](#).

Txhua tus neeg siv khoom yuav tsum tau txais lus qhia meej txog cov kev lav ris raws li lawv cuam tshuam nrog cov txheej txheem VR, suav nrog cov kev lav ris fab nyiaj txiag. Cov kev lav ris yuav sib txawv raws li lub peev xwm ntawm txhua tus neeg siv khoom thiab tau qhia lub ntsiab lus nyob rau hauv kev sib tham thiab kev taw qhia txog kev sib raug zoo.

Kev Sau Cov Ntaub Ntawv 34 CFR 361.12

DVR cov neeg ua hauj lwm yuav tsum muaj kev lav ris rau lub sij hawm muab cov ntaub ntawv raug tsim nyog rau kev ua hauj lwm ntawm DVR cov ntaub ntawv tswj hwm thiab lub lab npau ntaub ntawv nyiaj txiag.

Vim Yog Qhov Txheej Txheem 34 CFR 361.57

Tus neeg siv khoom los sis, nws tus neeg sawv cev yog tias tsim nyog uas tsis txaus siab rau ib qho kev txiav txim siab los ntawm DVR nrog rau kev muab los sis tsis kam txais kev pab cuam tuaj yeem thov kev tshuaj xyuas raws sij hawm hauv 180 hnub ntawm qhov kev txiav txim. Cov txheej txheem no tej zaum yuav suav nrog ib qho los sis tag nrho cov hauv qab no:

Kev Daws Teeb Meem Tsis Raws Cai

Thaum tus neeg siv khoom pom zoo, DVR yuav tsum siv cov txheej txheem daws teeb meem uas tsis raug cai, suav nrog kev sib kho. Ib tus neeg siv khoom tuaj yeem xaiv ncaj qha mus rau lub rooj sib hais kev ncaj ncees yam tsis tau koom nrog cov txheej txheem daws teeb meem uas tsis raug cai.

Kev Sib Kho

Ib tus neeg sib kho uas tsim nyog thiab tus neeg nruab nrab tsis ncaj ncees uas tau kawm paub hauv cov txheej txheem kev sib kho kom haum xeeb ua kev kho kom haum xeeb. Cov txheej txheem no tsis pub lwm tus paub, yeem, thiab yuav tsum tau pom zoo los ntawm ob tog. Tsis pub siv kev kho kom haum xeeb txhawm rau tsis kam lees los sis ncuu txoj cai ntawm tus neeg siv khoom rau lub rooj sib hais. Cov kev sib tham uas tshwm sim thaum tus txheej txheem kev sib kho kom haum xeeb yuav tsis raug siv los ua pov thawj hauv kev hais plaub ntug kev cai lij choj los sis kev hais plaub hauv pej xeeb tom qab.

Qhov Kev Sib Hais Ncaj Ncees

Lub rooj sib hais kev ncaj ncees yog ua los ntawm ib tus neeg saib xyuas lub rooj sib hais tsis ncaj ncees uas tau xaiv los ntawm ib pawg ntawm cov neeg tsim nyog tau txiav txim los ntawm DVR thiab Lub Xab Phas Kho Kom Zoo Rov Qab Los Hauv Wisconsin.

Tus neeg siv khoom los sis, yog tias tsim nyog, tus neeg siv khoom tus neeg sawv cev yuav tsum muaj lub cib fim los sawv cev los ntawm tus kws tawm tswv yim los sis lwm tus neeg muab kev txhawb nqa tsim nyog tau xaiv los ntawm tus neeg thiab yuav tsum muaj sij hawm los xa cov ntaub ntawv pov thawj ntxiv, cov ntaub ntawv, thiab cov pov thawj rau tus tub ceev xwm hais lus ncaj ncees. Tsis tas li ntawd, tus neeg siv khoom los sis, yog tias tsim nyog, tus neeg sawv cev ntawm tus neeg siv khoom yuav tsum muaj lub sij hawm los tshuaj xyuas txhua tus neeg tim khawv thiab lwm cov peev txheej ntaub ntawv thiab cov ntaub ntawv pov thawj uas ntsig txog. Cov kev pab cuam uas tau pib yuav tsis raug ncuu, txo qis, los sis txiav tawm thaum tos qhov kev txiav txim plaub ntug zaum kawg tshwj tsis yog tus neeg siv khoom los sis tus neeg siv khoom tus neeg sawv cev thov kom thov los sis muaj pov thawj tias cov kev pab cuam tau txais los ntawm kev qhia tsis tseeb, kev dag ntxias, kev sib koom siab ua, los sis kev ua txhaum cai ntawm ib feem ntawd ntawm tus neeg siv khoom.

Lub rooj sib hais yuav tsum muaj nyob rau hauv 60 hnub ntawm tus neeg siv khoom qhov kev thov thawj zaug rau kev tshuaj xyuas tshwj tsis yog tias kev daws teeb meem tsis tau ua tiav ua ntej hnub 60 los sis ob tog pom zoo rau kev ncuu sij hawm tshwj xeeb. Tus tub ceev xwm hais lus ncaj ncees yuav tsum txiav txim siab raws li cov kev pom zoo ntawm Txoj Phiaj Xwm Ntawm Xeev Wisconsin Txhawm Rau Kev Kho Txoj Hauj Lwm Kom Zoo Rov Los, Txoj Cai Tswj Hwm Kev Kho Kom Zoo Rov Los, tsoom fww Txoj Cai Lij Choj Kho Kom Txoj Hauj Lwm Zoo Rov Los, thiab lub xeev cov cai thiab cov cai uas ua raws li tsoom fww cov cai. Tus neeg saib xyuas lub rooj sib hais tsis ncaj ncees yuav tsum muab rau DVR Tus Thawj Coj thiab cov neeg siv khoom los sis, yog tias tsim nyog, tus neeg sawv cev ntawm tus neeg siv khoom tau sau ib daim ntawv qhia tag nrho ntawm qhov kev tshawb pom thiab lub hauv paus rau kev txiav txim siab hauv 30 hnub tom qab ua tiav lub rooj sib hais.

Qhov kev txiav txim ntawm tus tub ceev xwm lub rooj sib hais yog qhov kawg thiab yuav tsum tau ua raws li qhov kev tshuaj xyuas uas tseem tos los ntawm lub tsev hais plaub yog tias ob tog xaiv ua ntaub ntawv nrog lub tsev hais plaub. Qhov kev thov tshuaj xyuas yuav tsum xa tuaj tsis pub dhau 30 hnub tom qab qhov kev txiav txim siab ntawm tus tub ceev xwm lub rooj sib hais rau Kev Thov Kom Rov Txiav Txim Dua Ntawm Lub Tsev Hais Plaub.

Lub Luag Hauj Lwm ntawm DVR Cov Neeg Ua Hauj Lwm

DVR cov neeg ua hauj lwm yuav tsum hwm cov neeg siv khoom raws li cov tib neeg uas muaj cai thiab lub luag hauj lwm los koom nrog thiab txiav txim siab txog lawv txoj hauj lwm yav tom ntej.

DVR cov neeg ua hauj lwm muaj lub luag hauj lwm hauv qab no:

- Txhawm rau muab kev nkag muaj vaj huam sib luag rau cov haiv neeg tsawg thiab lwm cov neeg tsis muaj kev txwv.
- Ua hauj lwm koom tes nrog cov neeg siv khoom hauv kev mus nrhiav, tau txais, thiab tswj kev ua hauj lwm uas tsim nyog rau lawv lub peev xwm, kev muaj peev xwm, thiab kev nyiam ua rau muaj kev ywj pheej, tus kheej qhov kev txaus tau nce siab, thiab kev koom nrog hauv zej zog.
- Txhawm rau ua hauj lwm ua ke nrog lwm tus neeg koom tes tsim nyog sawv cev ntawm cov neeg siv khoom.
- Txhawm rau muab cov kev pab cuam tus kheej rau cov neeg siv khoom hauv kev ua npaj, muaj kev npaj thiab siv kev txiav txim siab kom zoo hauv kev ua lub luag hauj lwm ntawd.
- Txhawm rau muab kev pab cuam thiab kev taw qhia rau cov tib neeg uas xav kom nws siv cov lus qhia xaiv, xaiv cov txiaj ntsig kev ua hauj lwm uas tsim nyog, tsim cov phiaj xwm kev pab cuam, los sis tsim kev thov rau kev zam rau cov kev teem sij hawm them nqi.
- Txhawm rau muab kev cob qhia thiab kev pab cuam rau cov tswv ntiav txog kev ua hauj lwm ntawm cov neeg uas xiam oob qhab.
- Thaum tsis tuaj yeem daws teeb meem kev tsis sib haum xeeb nrog tus neeg siv khoom, koom nrog kev tswj hwm thiab qhia rau cov neeg siv khoom txog cov neeg siv khoom txoj cai ntawm DVR thiab muaj kev pab CAP.

Txheej Txheem Kev Zam 34 CFR 361.50

DVR yuav tsis tsim cov cai los sis cov kev teem sij hawm them nqi uas tso cai txwv tsis pub muaj kev txwv ntawm qhov xwm txheej thiab thaj tsam cov kev pab cuam ntawm DVR yuav muab rau tus neeg kom txhawm rau kom ua tiav kev ua hauj lwm.

DVR muaj cov txheej txheem kev zam uas tuaj yeem siv tau thaum tus neeg siv khoom xav tau cov kev pab cuam thiab/los sis kev txhawb nqa uas nyob sab nraud ntawm cov cai sau tseg, cov txheej txheem, thiab cov kev teem sij hawm them nqi.

[DVR Qhov Kev Thov Kev Zam/Daim Foos Txheej Txheem](#)

Qhov Kev Xaiv Uas Tau Qhia 34 CFR 361.52

Cov neeg siv khoom yuav tsum tau muab cov cib fim los koom tes thiab ua kom muaj txiaj ntsig thiab paub kev xaiv uas tau qhia thoob plaws hauv qhov txheej txheem ntawm VR, suav nrog cov neeg siv khoom xaiv hauv:

- Cov kev pab cuam kev ntsuam xyuas thiab kev soj ntsuam thiab cov neeg muab kev pab cuam.
- Cov hom phiaj thiab lub luag hauj lwm ntawm kev kawm ua hauj lwm.

- Cov kev pab cuam uas xav tau los ua kom tiav cov phiaj xwm kev ua hauj lwm rau tus kheej.
- Cov neeg muab kev pab cuam thiab cov txheej txheem siv los muab cov kev pab cuam uas zoo li ntawd.

Cov neeg siv khoom yuav tsum tau txais kev ceeb toom txog lawv txoj cai los txiav txim siab cov kev xaiv uas tau qhia. Cov neeg siv khoom uas tau txais kev pab cuam uas xav tau los sis thov kev pab hauv kev siv cov kev xaiv uas tau qhia yog muab cov kev pab cuam txhawb nqa los pab cuam txhawb nqa hauv cov txheej txheem no. Cov neeg siv khoom tuaj yeem xaiv koom nrog cov neeg hauv tsev neeg, cov neeg tawm tswv yim, thiab lwm tus neeg sawv cev uas tau tso cai thoob plaws hauv qhov txheej txheem ntawm VR.

[RSA Kev Xaj Txoj Cai rau Kev Xaiv Uas Tau Qhia Paub](#)

Kev xa mus rau Lwm Cov Khoos Kas 34 CFR 361.37

Cov neeg siv khoom yuav tau muab cov ntaub ntawv raug thiab kev taw qhia hais txog VR, siv cov hom kev sib txuas lus tsim nyog, los pab npaj, ruaj ntseg, tuav, los sis rov mus ua hauj lwm.

Cov neeg siv khoom tseem yuav raug xa mus rau lwm cov khoos kas raws li qhov tsim nyog, nrog rau kev xa mus rau cov khoos kas ntawm tsoom fwm los sis lub xeev, suav nrog cov khoos kas uas siv los ntawm lwm cov khoom ntawm lub lab npauv kev nqes peev ua hauj lwm thoob plaws hauv lub xeev kom zoo tshaj plaws raws li cov kev xav tau ntawm cov neeg siv khoom. Cov neeg siv khoom xa mus rau lwm cov khoos kas uas yuav tsum tau muab:

- Daim ntawv ceeb toom ntawm kev xa los ntawm DVR mus rau lub koom haum uas ua lub khoos kas.
- Cov ntaub ntawv txheeb xyuas kev tiv tauj tshwj xeeb hauv lub koom haum uas ua lub khoos kas.
- Cov ntaub ntawv thiab cov lus qhia hais txog cov kev pab cuam tsim nyog tshaj plaws los pab cov neeg siv khoom npaj rau, kev ruaj ntseg, khaws cia, los sis rov ua hauj lwm.

Kev raws sij hawm 34 CFR 361.41

DVR cov neeg ua hauj lwm yuav tsum xyuas kom meej tias txhua tus neeg muaj kev xiam oob qhab uas raug xa mus rau, thov rau, los sis tau txais cov kev pab cuam ntawm VR tau txias kev saib xyuas ncaj nees thiab raws sij hawm. Kev raws sij hawm yuav raug txiav txim rau tus kheej, raws li cov neeg siv khoom xav tau thiab kev npaj rau cov kev pab cuam. Txawm li cas los xij, feem ntau, cov lus qhia tsim nyob rau hauv nqe lus no yuav ua tau raws li qhov tsim nyog.

Txhawm rau kom muaj sij hawm rau kev npaj tsim nyog, DVR yuav txhawb kom lwm lub koom haum xa cov tib neeg rau cov pab cuam ntawm DVR kom sai li sai tau thaum lawv paub txog tus neeg nyiam ua hauj lwm. Nyob rau hauv qhov xwm txheej ntawm cov tub ntxhais kawm theem siab, DVR cov neeg ua hauj lwm yuav ua raws li cov lus hauv kev sib koom ua ke ntawm DVR, Lub Tsev Hauj Lwm Saib Xyuas Kev Qhia Rau Pej Xeem (Department of Public Instruction, DPI), thiab Lub Tsev Hauj Lwm Saib Xyuas Kev Noj Qab Haus Huv (Department of Health Services, DHS). Cov tub ntxhais kawm yuav tsum raug xa mus rau cov kev pab cuam ntawm DVR yam tsawg kawg yog ob xyoos ua ntej tawm ntawm tsev kawm ntawv thiab yuav tsum muaj lawv qhov kev tsim kho IPE ua ntej lawv tawm hauv tsev kawm ntawv.

Hnub tim tau txais kev xa mus, lub lab npauv nws yuav nkag mus rau hauv IRIS. DVR yuav teb cov lus xa mus tsis pub dhau tsib (5) hnub ua hauj lwm. Lub rooj sib tham kev taw qhia los sis kev xam phaj tus kheej yuav tsum muaj nyob tsis pub dhau 30 hnub txij li hnub xa mus, tshwj tsis yog tus neeg thov lwm yam. Thaum tau txais daim foos thov uas tau kos npe, cov ntaub ntawv sau tseg rooj plaub yuav raug qhib.

DVR yuav ua kom tiav qhov kev tsim nyog thiab qeb kev muab tso rau Qhov Kev Txiaiv Txim ntawm Qhov Kev Xaiv kom sai li sai tau. Qhov kev txiaiv txim siab yuav tsum ua kom tiav tsis pub dhau 60 hnuv tom qab tau txais daim ntawv thov tshwj tsis yog tus neeg siv khoom thiab tus kws pab tswv yim tau pom zoo raws li qhov txuas ntxiv uas tau pom zoo los ntawm kev tswj hwm. Saib ***Qhov Kev Thov rau Kev Ncua Sij Hawm Txiaiv Txim Siab Tsim Nyog thiab Ncua Sij Hawm Kev Tsim Kho Ntawm IPE*** hauv qab no.

DVR yuav ua kom tiav kev txhim kho ntawm tus neeg siv khoom qhov IPE nyob hauv 90 hnuv txij li hnuv uas muaj cai los sis ua kom siv tau los ntawm daim ntawv teev npe kev tos Kev Xaj txog Kev Xaiv-seb qhov twg yuav tshwm sim ua ntej los xij. Tej zaum yuav tuaj yeem thov kev txuas sij hawm kev txwv txog 90-hnuv los ntawm tus kws pab tswv yim yog tias muaj xwm txheej uas DVR tsis tuaj yeem tswj hwm tau thiab tus neeg siv khoom ua qhov kev txuas sij hawm yam tsim nyog. Ib qho piv txwv txog qhov xwm txheej uas tus neeg siv khoom thiab DVR tsis tuaj yeem tswj hwm tau yog ib qho IPE uas tsis tuaj yeem muab sau tau cia yam tsis muaj kev ntsuam xyuas uas tsis tuaj yeem ua tiav tau nyob hauv 90-hnuv. Kev thov txuas sij hawm yuav tsum tau txais kev pom zoo los ntawm cov neeg siv khoom, tus kws pab tswv yim, thiab kev tswj hwm ntawm DVR ua ntej lawv tau tso cai.

[Qhov Txheej Txheem Kev Txuas Sij Hawm hais txog Kev Muaj Cai Tau Txais Kev Pab thiab Kev Txhim Kho IPE](#)

II. COV CAI KEV NKAG

Mus Saib Hauv 34 CFR 361.41

DVR yuav ua txhua yam kev xa mus thiab kev thov rau cov ntaub ntawv hauv kev ncaj ncees thiab raws sij hawm.

Hais txog cov tib neeg uas muaj qhov yeej xav tau thiab txaus siab rau VR cov kev pab cuam, kev xa mus rau cov kev pab cuam tuaj yeem ua los ntawm kev hu xov tooj, kev xa ntawv, hauv vev xaib, los sis hom ntaub ntawv hauv hluav taws xob. Tus neeg los sis tus neeg saib xyuas ntawm tus neeg ntawd (yog tias muaj hnuv nyoog qis dua 18 xyoos los sis raug xaiv los ntawm tsev hais plaub) yuav tsum pom zoo kom ua tau kev xa mus. Qhov [DVR Daim Foos Kev Xa Mus](#) muaj cia siv tab sis tsis tas muaj nws qhov kev siv yog tias muab tau cov ntaub ntawv kev xa mus uas qis tshaj plaws lawm. Xav kom ua tau qhov kev xa mus, cov ntaub ntawv uas muab rau DVR yuav tsum **yam tsawg tsawg** suav muaj:

- Lub Npe
- Lub Xeem
- Hnuv Yug
- Qhov Chaw Nyob Txoj Kev
- Lub Nroog, Lub Xeev Tus Zauv Chaw Nyob
- Lub cheeb tsam nroog uas lawv nyob thiab xav tau txais kev pab cuam hauv (ob nqe lus nug)
- Txoj hauv kev tiv tauj uas xav kom tiv tauj tau (ces yuav tsum muaj txoj hauv kev ntawd)
- Tus Saib Xyuas Raws Cai yog tias muaj
- Kev Xiam Oob Qhab
- Qhov kev xiam oob qhab cuam tshuam rau koj lub peev xwm ua hauj lwm tau li cas

Nyob hauv hnuv tau txais kev xa mus, yuav tsum muab nws ntaus nkag mus rau hauv IRIS lub lab npauv. DVR yuav teb cov lus xa mus tsis pub dhau tsib (5) hnuv ua hauj lwm.

Ib tus neeg raug uas hais txog yuav tau txais kev teem sij hawm rau kev xam phaj ib tug kheej los sis lub rooj sib tham qhia paub xub thawj uas yuav tsum muaj nyob rau hauv 30 hnuv ntawm hnuv xa mus, tshwj tsis yog tias tus neeg thov ua lwm yam.

Hauv lub rooj sib tham no, DVR yuav qhia cov ntaub ntawv hais txog DVR lub luag hauj lwm thiab cov lub luag hauj lwm hauv cov txheej txheem los pab tus neeg txiav txim siab xaiv uas paub meej thaum thov cov kev pab cuam.

Ntawm lub rooj sib tham no, yog tias tus neeg uas hais txog ntawd txaus siab xav thov DVR cov kev pab cuam, tus neeg los sis tus neeg saib xyuas ntawm tus neeg ntawd, yog tias tsim nyog, yuav tsum teb cov lus nug uas tseem tsis tau teb hauv daim ntawv thov thiab kos npe rau daim ntawv thov (ua kom tiav qhov txheej txheem ua daim ntawv thov). Yog tias tus neeg muaj hnuv nyoog tshaj 18 xyoo thiab muaj tus neeg saib xyuas uas yog lub tsev hais plaub xaiv los, yuav tsum tau muaj cov ntaub ntawv txog kev saib xyuas ua ntej lees txais daim ntawv thov. Cov ntaub ntawv uas muab los yuav tsum yog cov ntaub ntawv hais txog kev saib xyuas los ntawm lub tsev hais plaub raws cai uas suav nrog hom tus neeg saib xyuas thiab thaj tsam ntawm kev txiav txim siab tau uas tus neeg saib xyuas muaj cai ua tau. Lub sij hawm no, DVR tseem yuav tsum pib sau cov ntaub ntawv los txiav txim qhov kev muaj cai tau txais kev pab thiab qhov tseem ceeb rau cov kev pab cuam.

[Cov Txheej Txheem Kev Xa Mus](#)

Daim Ntawv Thov 34 CFR 361.41

Yuav xam tias tus neeg siv khoom tau thov txog VR cov kev pab cuam thaum tus neeg siv khoom tau ua tau raws li peb tug qauv cai hauv qab no lawm:

- Tus neeg siv khoom thiab/los sis niam thiab txiv/tus neeg saib xyuas tau ua tiav DVR daim ntawv thov lawm.
 - Cov neeg ua hauj lwm yuav tau txais daim ntawv cog lus ua lo lus hais, ua tsab email los sis ua tsab ntawv thiab daim ntawv uas nyob hauv IRIS los sis tau txais daim ntawv kos npe, qhov twg los xij uas yuav siv tau zoo tshaj plaws rau qhov teeb meem ntawd.
- Muab cov ntaub ntawv tsim nyog los pib kev ntsuam xyuas los txiav txim txog kev muaj cai tau txais kev pab thiab qhov tseem ceeb rau cov kev pab cuam.
- Muaj sij hawm los ua kom tiav qhov txheej txheem kev ntsuam xyuas.

[Lus Nug Uas Nquag Nug \(FAQ\) Hais Txog Kev Ua Tus Neeg Saib Xyuas](#)

Yog tias thaum twg uas tau thov txog daim ntawv thov cov kev pab cuam, yuav tsum tau muab. Yog tias ib tus neeg muab DVR uas muaj daim ntawv kos npe rau lawm uas thov VR cov kev pab cuam, yuav xam tias lawv yog Tus Neeg Thov.

Kev ntsuam xyuas hais txog Kev Txiav Txim Siab txog Kev Muaj Cai Tau Kev Pab 34 CFR 361.42

Yog xav kom muaj cai tau kev pab hais txog VR cov kev pab cuam, tus neeg siv khoom yuav tsum:

- Muaj kev tsis taus ntawm lub cev los sis lub hlwb uas ua rau muaj kev cuam tshuam loj heev rau kev ua hauj lwm.
- Xav tau VR cov kev pab cuam los npaj rau, ua kom ruaj ntseg, khaws cia, ua kom vam meej, los sis rov ua hauj lwm uas yog VR Tus Kws Pab Tswv Yim yog tus txiav txim siab uas DVR ntiav tauj.

Nws muab suav hais tias tus neeg siv khoom tuaj yeem ua tiav qhov txiaj ntsig kev ua hauj lwm. Yog li ntawd, kev sim ua hauj lwm thiab kev ntsuas xyuas txuas ntxiv tsis tau muab siv los ntawm DVR los txiav txim rau ib tus neeg qhov kev muaj cai tau txais kev pab xub thawj hais txog VR cov kev pab cuam vim DVR xav tias txhua tus tuaj yeem ua hauj lwm tau.

Ib tus neeg siv khoom uas tau txiav txim siab tias muaj cai tau txais txiaj ntsig kev xiam oob khab raws li Nqe II los sis Nqe XVI ntawm Tsab Cai Hais Txog Xaus Saus (SSI los sis SSDI) yuav xam tias muaj cai tau txais kev pab rau VR cov kev pab cuam uas tus neeg siv khoom npaj siab ua tiav kev ua hauj lwm. Ua tiav cov txheej txheem kev thov rau VR cov kev pab cuam yog cov pov thawj txaus ntawm tus kheej lub hom phiav los ua kom ua tiav qhov txiaj ntsig kev ua hauj lwm.

Qhov kev ntsuam xyuas rau kev txiav txim siab ntawm kev tsim nyog tau txais yuav tsum yog nyob ntawm kev tshuaj xyuas cov ntaub ntawv uas twb muaj lawm, suav nrog VR Cov Kws Pab Tswv Yim cov kev soj ntsuam, mus txog qhov siab tshaj plaws. Tej zaum yuav tau txais cov ntaub ntawv, raws li qhov tsim nyog, los ntawm lwm cov kev pab cuam thiab cov chaw muab kev pab cuam, xws li cov tsev kawm ntawv, Kev Tswj Xyuas Kev Ruaj Ntseg Rau Zauj Tsoom, cov kws kho mob, cov tsev kho mob thiab lwm yam ntaub ntawv muab los ntawm tus neeg siv khoom los sis nws tsev neeg. Cov ntaub ntawv uas siv yuav tsum piav qhia txog kev ua hauj lwm tam sim no ntawm cov neeg siv khoom.

Yog tias cov ntaub ntawv uas twb muaj lawm tau tsis piav txog kev ua hauj lwm tam sim no ntawm tus kheej los sis tsis muaj, tsis txaus, los sis tsis tsim nyog, DVR yuav tsum ua raws li nws qhov kev txiav txim siab tsim nyog rau kev ntsuam xyuas cov ntaub ntawv ntxiv uas tshwm sim los ntawm kev muab VR cov kev pab cuam.

Qhov kev txiav txim siab ntawm kev tsim nyog tau txais yuav tsum tau ua sai li sai tau, tab sis lub sij hawm yuav tsis pub dhau 60 hnuv tom qab tus neeg siv khoom tau thov rau VR cov kev pab cuam. Txawm li cas los xij, tus neeg siv khoom thiab VR Tus Kws Pab Tswv Yim tuaj yeem pom zoo rau lub sij hawm tshwj xeeb ntxiv vim muaj qhov tshwj xeeb thiab tsis tau pom dua dhau qhov kev tswj hwm ntawm tus neeg siv khoom los sis DVR.

Daim ntawv sau teev qhia txog kev tsim nyog yuav tsum tau muab tso rau hauv DVR cov ntaub ntawv. Cov neeg siv khoom uas txiav txim siab tias tsis tsim nyog rau VR cov kev pab cuam yuav tsum tau txais kev ceeb toom txog qhov kev txiav txim hauv kev sau ntawv thiab muab kev sab laj tag nrho suav nrog cov laj thawj rau kev txiav txim siab tsis tsim nyog, ceeb toom txog lawv txoj cai thov rov hais dua, thiab cov ntaub ntawv hais txog Lub Khoos Kas Pab Cuam Rau Tus Qhua (CAP).

Kev txiav txim siab txog kev tsis tsim nyog vim tsis xav tau DVR cov kev pab cuam yuav tsum yog los ntawm VR Tus Kws Pab Tswv Yim uas muaj ntawv tso cai ua hauj lwm los ntawm DVR.

Qhov Kev Pab Cuam Ntsuam Xyuas Kev Tsim Nyog thiab Cov Kev Xaiv Xaj (OOS)

DVR yuav muab kev tsim nyog tau txais thiab kev ntsuam xyuas OOS raws li kev sib cog lus. Qhov kev pab cuam no tau txhawb siab rau txhua tus neeg siv khoom ntawm DVR los txiav txim qhov tsim nyog thiab OOS tab sis tsis tas yuav tsum tau ua li.

Tus neeg cog lus yuav muab rau cov neeg ua hauj lwm tsim nyog los sib sau thiab tshuaj xyuas cov ntaub ntawv uas twb muaj lawm los sis tau txais cov ntaub ntawv ntxiv raws li xav tau los ntsuas qhov muaj ntawm lub cev los sis kev puas hlwb, kev ntsuam xyuas txog kev ua hauj lwm, thiab kev cuam tshuam rau kev ua hauj lwm rau tus neeg thov cov kev pab cuam ntawm DVR. Tus neeg cog lus yuav ua tiav qhov kev ntsuam xyuas thawj zaug raws li DVR cov ntawv cog lus thiab cov lus qhia tshwj xeeb.

Yog tias lub koom haum tau cog lus yuav tsum tau txais cov ntaub ntawv ntxiv, lub koom haum yuav ceeb toom rau DVR sai li sai tau thaum pom qhov no, thiab DVR yuav tso cai rau cov kev pab cuam tsim nyog. DVR cov neeg ua hauj lwm tuav txoj cai los txiav txim rau tus neeg thov kev tsim nyog thiab OOS qhov kev tso. Nrog rau qhov kev txiav txim siab rau kev ntsuam xyuas uas tau muab los ntawm tus neeg cog lus, DVR Tus Kws Pab Tswv Yim tseem yuav txiav txim siab seb tus neeg thov yuav xav tau VR cov kev pab cuam los npaj, ruaj ntseg, khaws cia, qib siab, los sis rov ua hauj lwm raws li tus neeg thov kev pab cuam tshwj xeeb, cov peev txheej, qhov tseem ceeb, kev txhawj xeeb, cov peev xwm, co kev muaj peev xwm, kev nyiam, thiab kev xaiv uas lees paub.

III. KEV TAU TXAIS COV KEV PAB CUAM RAU TXOJ CAI

Cov Lus Xaj ntawm Kev Xaiv (OOS) 34CFR 361.42

Txhua lub sij hawm uas DVR cov peev txheej tsis txaus los pab rau txhua tus neeg siv khoom tsim nyog, yuav tsum ua raws li kev txiav txim ntawm kev xaiv rau cov kev pab cuam. Qhov tseem ceeb tshaj plaws (qib 1) yuav tsum tau muab rau cov neeg siv khoom uas muaj qhov kev xiam oob qhab loj tshaj plaws. Qhov tseem ceeb thib ob (qib 2) yuav tsum tau muab rau cov neeg siv khoom uas muaj kev xiam oob qhab loj, thiab qhov tseem ceeb thib peb (qib 3) rau tag nrho lwm cov neeg tsim nyog. Cov neeg siv khoom tsim nyog yuav tau txais kev pab cuam raws li kev tso cai.

Qeb 1: Cov neeg siv khoom muaj ib *qhov kev xiam oob qhab loj tshaj plaws* yog tias muaj kev puas siab puas ntsws los sis lub cev tsis taus loj los sis ntau dua ntawm cov neeg siv khoom muaj peev xwm ua hauj lwm raws li cov txiaj ntsig tau los ntawm kev ua hauj lwm thiab cov neeg siv khoom kev kawm ua hauj lwm yuav tsum muaj ntau yam kev pab cuam hauv lub sij hawm ntev ntxiv.

Qeb 2: Cov neeg siv khoom muaj ib *qhov kev xiam oob qhab loj* yog tias muaj kev puas siab puas ntsws los sis lub cev tsis taus loj uas txwv ib txog peb ntawm cov neeg siv khoom muaj peev xwm ua hauj lwm raws li cov txiaj ntsig tau los ntawm kev ua hauj lwm thiab cov neeg siv khoom kev kawm ua hauj lwm yuav tsum muaj ntau yam kev pab cuam hauv lub sij hawm ntev ntxivv.

Lus Cim Tseg: Tus neeg tau txais hauv SSDI uas tau txais kev tso cai los sis tus neeg txais SSI tau suav tias yog, yam tsawg kawg, tus neeg muaj kev xiam oob qhab loj.

Qeb 3: Lwm cov neeg siv khoom uas tsim nyog tau txais suav nrog cov uas tsis muaj kev xiam oob qhab uas txwv ib los sis ntau lub peev xwm ntawm kev ua hauj lwm thiab tsis tas yuav muaj ntau yam kev pab cuam hauv lub sij hawm ntev ntxiv. Kuj tseem suav nrog hauv pawg no yog txhua tus neeg siv khoom uas tsis xav tau ntau yam kev pab cuam hauv lub sij hawm ntev ntxiv.

Tom qab pom tias tus neeg siv khoom tsim nyog tau txais VR cov kev pab cuam, kev txiav txim siab OOS uas tau ua tiav. Qhov kev ntsuam xyuas ntawm cov ntaub ntawv uas twb muaj lawm thiab/los sis cov ntaub ntawv ntxiv, raws li qhov xav tau los txiav txim siab qhov no, tej zaum yuav raug ua. VR Tus Kws Pab Tswv Yim, koom tes nrog txhua tus neeg siv khoom, yuav tsum tshuaj xyuas cov neeg siv khoom cov kev txwv kev ua hauj lwm thiab thaj tsam uas xav tseg ntawm cov kev pab cuam hauv OOS qhov kev txiav txim siab.

Txoj cai no tsis cuam tshuam rau cov neeg siv khoom uas twb tau pib txais cov kev pab cuam raws li qhov kev pom zoo rau kev ua hauj lwm ua ntej hnuab ua hauj lwm ntawm OOS los sis cov neeg uas xav tau kev pab cuam tom qab qhov kev ua hauj lwm. Txhua tus neeg siv khoom yuav tsum tau txais kev ceeb toom hauv kev sau ntawv, ntxiv raws li qhov tsim nyog los ntawm lwm yam kev sib txuas lus tsim nyog raws li kev paub xaiv ntawm tus kheej, ntawm OOS kev txiav txim siab. Cov neeg siv khoom tau txais kev pab cuam hauv pawg kaw tau muab kev pab cuam xa mus thiab kev xaiv muab tso rau hauv daim ntawv tos kom txog thaum tus neeg siv khoom tau qhib rau VR cov kev pab cuam. Txhua tus neeg siv khoom hauv pawg kaw yuav tau txais kev tiv tauj txhua xyoo los txiav txim seb puas muaj ntaub ntawv ntxiv.

[Lus Piav Ohia Txog Qeb OOS](#)

Muaj peev xwm ua hauj lwm rau txhua tus neeg tsim nyog; kev xaj ntawm kev xaiv rau cov kev pab cuam CFR 361.36. [Cov kev pab cuam tuav hauj lwm thaum nyob hauv OOS](#) tso cai rau cov neeg tsim

nyog uas xav tau cov kev pab cuam tshwj xeeb los sis cov cuab yeej siv los tswj kev ua hauj lwm, lub cib fim rau kev tso npe tos rau cov kev pab cuam khaws cia los pab lawv tswj lawv txoj hauj lwm.

Txoj Phiaj Xwm Rau Qee Leej rau Kev Ua Hauj Lwm CFR 361.45

Cov Kev Xaiv rau Kev Txhim Kho Txoj Phiaj Xwm rau Kev Ua Hauj Lwm

Txoj phiaj xwm rau kev ua hauj lwm yuav tsum tau txais kev txhim kho kom sai li sai tau, tab sis lub sij hawm yuav tsum tsis pub dhau 90 hnub tom qab tus neeg siv khoom tau qhib los ntawm OOS daim ntawv teev npe tos tshwj tsis yog tau tso cai ncuu sij hawm thov xwb.

DVR yuav tsum ua kom tiav qhov kev ntsuam xyuas tag nrho rau kev txiav txim siab txog VR cov kev xav tau, raws li qhov tsim nyog. Lub hom phiaj ntawm qhov kev ntsuam xyuas tag nrho yog los txiav txim siab qhov txiaj ntsig ntawm kev ua hauj lwm thiab qhov xwm txheej thiab thaj tsam ntawm VR cov kev pab cuam. DVR yuav tsum muab cov neeg siv khoom, los sis raws li qhov tsim nyog, tus neeg sawv cev ntawm tus neeg siv khoom, sau ntawv thiab hauv kev sib txuas lus tsim nyog, nrog rau cov ntaub ntawv ntawm cov neeg siv khoom xaiv los tsim ib txoj phiaj xwm rau kev ua hauj lwm, suav nrog cov kev xaiv uas tus neeg tsim nyog los sis, raws li qhov tsim nyog, tus neeg sawv cev tuaj yeem tsim tag nrho los sis ib feem ntawm tus kheej txoj phiaj xwm rau kev ua hauj lwm, yam tsis muaj kev pab cuam los ntawm Lub Xeev los sis lwm lub koom haum.

Cov kev xaiv no suav muaj:

- Kev npaj txhij siv kev pab los ntawm VR tus kws pab tswv yim, hauv ncuu sij hawm uas tus neeg siv khoom txiav txim siab tias muaj cai tau txais kev pab cuam, los txhim kho tag nrho los sis ib feem ntawm txoj phiaj xwm txog kev ntiav hauj lwm.
- Kev npaj txhij siv kev pab fab tev niv hauv kev txhim kho tag nrho los sis ib feem ntawm txoj phiaj xwm hais txog kev ntiav hauj lwm.
- Ib qho lus piav qhia txog tag nrho cov khoom siv uas yuav tsum muab suav nrog hauv txoj phiaj xwm hais txog kev ntiav hauj lwm.
- Raws li tsim nyog:
 - Kev piav qhia txog DVR cov lus qhia thiab tus qauv cai cuam tshuam nrog kev cog lus fab nyiaj xtiag cuam tshuam txog txoj phiaj xwm kev ntiav hauj lwm.
 - Cov ntaub ntawv ntxiv uas tus neeg siv khoom thov los sis DVR txiav txim siab yog qhov tsim nyog.
 - Cov ntaub ntawv npaj txhij siv kev pab huav kev ua kom tiav DVR daim foos uas yuav tsum tau muaj hauv kev txhim kho txoj phiaj xwm ntiav hauj lwm.
 - Kev tshuaj xyuas ntawm Daim Ntawv Pom Zoo Txog Tus Neeg Siv Khoom Cov Luag Hauj Lwm.
- Cov lus piav qhia ntawm cov cai muaj rau cov neeg siv khoom ntawd xws li, yog tias tsim nyog, txheej txheem kev txiav txim thiab kev sib kho.
- Cov lus piav qhia txog kev npaj txhij siv Qhov Txheej Txheem Kev Pab Cuam Kev Pab Rau Tus Neeg Qhua (CAP) thiab cov ntaub ntawv hais txog txoj hauv kev yuav tiv tauj CAP li cas.
- Kev tshuaj xyuas thiab ua tiav Tus Neeg Siv Khoom Daim Ntawv Pom Zoo Txog Cov Luag Hauj Lwm Fab Nyiaj Xtiag.
- Cov tib neeg tau txais SSI los sis SSDI yuav tsum tau muab cov ntaub ntawv qhia txog kev txhawb nqa ntxiv uas muaj rau lawv suav nrog kev pab tswv yim txog cov txiaj ntsig.

Cov Txheej Txheem Yuav Tsum Tau Ua

- **Cov Ntaub Ntawv Sau.** Ib txoj kev npaj rau kev ua hauj lwm yuav tsum yog ib daim ntawv sau muab npaj rau hauv cov foos uas DVR muab los.

- **Qhov Kev Xaiv Paub Meej.** Txoj kev npaj rau kev ua hauj lwm yuav tsum muab tsim thiab siv nyob rau hauv ib yam uas muab lub hwv tsam rau cov neeg siv khoom los siv txoj kev xaiv uas paub meej hauv kev xaiv [qhov txiaj ntsig ua tau ntawm kev ua hauj lwm](#). Cov ntsiab lus ntawm kev xaiv paub meej suav muaj:
 1. Kev teeb tsa ua hauj lwm.
 2. VR cov kev pab cuam tshwj xeeb yuav tsum tau ua kom tiav qhov txiaj ntsig ua tau txog kev ua hauj lwm.
 3. Cov chaw uas yuav muab cov kev pab cuam.
 4. Chaw hauj lwm uas yuav muab VR cov kev pab cuam.
 5. Cov hauv kev nrhiav cov kev pab cuam uas muaj.
- **Kev hloov pauv.** Hais txog cov tub ntxhais kawm theem siab uas muaj cai tau txais kev pab hais txog kev txhim kho txoj kev npaj kev ua hauj lwm, txoj kev npaj rau kev ua hauj lwm yuav muab ua kom tiav ua ntej tus neeg siv khoom kawm tiav lub tsev kawm theem siab.

Cov Neeg Kos Npe

Ib txoj kev npaj rau kev ua hauj lwm yuav tsum tau:

1. Pom zoo thiab kos npe los ntawm tus neeg siv khoom los sis, raws li qhov tsim nyog, tus neeg siv khoom tus neeg sawv cev.
2. Pom zoo tso cai thiab kos npe los ntawm VR Tus Kws Pab Tswv Yim uas DVR ntiav tuaj.

Daim Ntawv Luam Tawm

Yuav tsum tau muab ib daim ntawv theej ntawm txoj kev npaj rau kev ua hauj lwm thiab ib qho kev hloov kho twg rau txoj phiaj xwm los sis, raws li qhov tsim nyog, muab rau tus neeg siv khoom tus neeg sawv cev, ua ntawv sau, thiab, yog tias tsim nyog, muab sau ua hom lus ib txwm siv los sis hom kev sib txuas lus ntawm tus neeg siv khoom los sis, raws li qhov tsim nyog, tus neeg siv khoom tus neeg sawv cev.

Kev Tshuaj Xyuas thiab Kev Hloov Kho

- Tshuaj tsum tau tshuaj xyuas txoj phiaj xwm kev ua hauj lwm, yam tsawg kawg ib xyoos ib zaug, los ntawm VR Tus Kws Pab Tswv Yim thiab tus neeg siv khoom los sis, raws li qhov tsim nyog, tus neeg siv khoom tus neeg sawv cev. Kev tshuaj xyuas yuav tsum suav muaj Tus Neeg Siv Khoom Daim Ntawv Pom Zoo Txog Cov Luag Hauj Lwm Fab Nyiaj Txiag, tus kws pab tswv yim lub npe kos, thiab tus neeg siv khoom lub npe kos los sis, raws li tsim nyog, tus neeg siv khoom tus neeg sawv cev.
- Tus neeg siv khoom los sis raws li qhov tsim nyog, tus neeg siv khoom tus neeg sawv cev yuav tsum tau hloov kho txoj phiaj xwm kev ua hauj lwm, yog tias tsim nyog, hauv kev koom tes nrog DVR cov neeg ua hauj lwm. Kev hloov kho tsuas yog tsim nyog yog tias muaj kev hloov pauv tseem ceeb hauv kev ua hauj lwm, VR cov kev pab cuam yuav tsum tau muab, los sis cov neeg muab kev pab cuam.

Cov kev hloov pauv yuav siv tsis tau kom txog thaum tus neeg siv khoom los sis, raws li tsim nyog, tus neeg siv khoom tus neeg sawv cev, thiab VR Tus Kws Pab Tswv Yim pom zoo thiab kos npe rau uas DVR ntiav tuaj.

Yam Yuav Tsum Tau Ua ntawm Txoj Phiaj Xwm rau Kev Ua Hauj Lwm

Txoj phiaj xwm kev ua hauj lwm yuav tsum muaj, yam tsawg kawg, cov nqe yuam kom ua hauv qab no:

1. Kev piav qhia txog qhov [txiaj ntsig ua tau los ntawm kev ua hauj lwm sib koom ua ke uas muaj kev sib tw tshwj xeeb](#) xaiv los ntawm tus neeg siv khoom uas haum raws li ib tus neeg qhov nws ua tau zoo txawv lwm tus, cov peev txheej kev pab, qhov tseem ceeb, kev txhawj xeeb, kev muaj

peev xwm, lub peev xwm ua tau, kev nyiam ua hauj lwm, thiab txoj kev xaiv uas paub meej (tshwj tsis yog cov tub ntxhais kawm, cov lus piav qhia yuav yog lawv cov txiaj ntsig kev ua hauj lwm tom qab kawm ntawv).

2. Cov ncuu sij hawm teev tseg txog kev ua kom tiav qhov txiaj ntsig kev ua hauj lwm.
3. Ib qho lus piav qhia txog cov kev pab cuam tshwj xeeb uas yuav tsum tau muab rau hauv ib qho chaw kev sib koom ua ke, suav nrog cov kev pab cuam ua ntej hloov ua ntej ua hauj lwm.
4. Ncuu sij hawm teev tseg txog kev pib muab cov kev pab cuam.
5. Ib qho lus piav qhia txog lub koom haum/cov koom haum uas tus neeg siv, los sis, raws li qhov tsim nyog, tus neeg siv khoom tus neeg sawv cev, xaiv los muab cov kev pab cuam.
6. Cov hauv kev xaiv los ntawm cov neeg siv khoom kom tau txais cov kev pab cuam.
7. Ib qho lus piav qhia txog cov txheej txheem cai los ntsuas kev nce qib mus rau qhov ua tiav ntawm qhov txiaj ntsig kev ua hauj lwm.
8. Cov nqe lus thiab cov xwm txheej ntawm txoj phiaj xwm txog kev ua hauj lwm, suav nrog cov ntaub ntawv uas piav qhia:
 - o Lub luag hauj lwm ntawm cov neeg siv khoom muaj feem cuam tshuam txog txiaj ntsig ua tau los ntawm kev ua hauj lwm.
 - o Kev cia siab thiab cov txiaj ntsig yuav tsum tau ntsuas txog qhov kev nce qib ntawm kev txaus siab.
 - o Lub luag hauj lwm ntawm cov neeg siv khoom hauv kev thov thiab txais cov txiaj ntsig uas sib piv tau.
 - o DVR lub luag hauj lwm.
 - o Lub luag haujlwm ntawm lwm lub koom haum vim yog kev npaj ua raws li cov kev pab cuam los sis cov txiaj ntsig sib piv tau.
 - o Kev koom tes ntawm cov neeg siv khoom hauv kev them cov nqi kev pab cuam.
9. Hais txog cov neeg siv khoom uas muaj kev xiam oob khab tseem ceeb tshaj plaws nrog cov txiaj ntsig kev ua hauj lwm hauv qhov chaw kev ua hauj lwm uas muaj kev txhawb nqa, cov ntaub ntawv txheeb xyuas txog:
 - o Cov kev pab cuam txuas ntxiv uas tus neeg siv khoom xav tau.
 - o Lub hauv paus ntawm cov kev pab cuam txuas ntxiv los sis, yog tias tsis tuaj yeem txheeb xyuas qhov chaw ntawm cov kev pab cuam txuas ntxiv thaum lub sij hawm txhim kho txoj phiaj xwm ua hauj lwm, cov lus piav qhia txog txoj hauv kev txog kev suav sau lus yam tsim nyog uas lub hauv paus ntawd yuav pib siv tau.
10. Daim ntawv qhia txog kev xav tau uas xav cia txog cov kev pab cuam tom qab ua hauj lwm.
 - o Cov kev pab cuam tom qab ua hauj lwm yog cov kev pab cuam los sis kev txhawb nqa ntxiv uas cov neeg siv khoom yuav tsum muaj kom ua tau lawv txoj hauj lwm mus ntxiv. Cov kev pab cuam no yog npaj kom tshwm sim thaum lub sij hawm ua raws li qhov tsawg kawg ntawm 90 hnuv.

VR Cov Kev Pab Cuam rau Cov Neeg Siv Khoom CFR 361.48 (b)

VR cov kev pab cuam yog ib cov kev pab cuam uas tau piav qhia hauv ib txoj phiaj xwm rau kev ua hauj lwm uas yog "tseem ceeb thiab tsim nyog" los pab tus neeg siv khoom hauv kev npaj, kev ruaj ntseg, khaws cia, kev vam meej, los sis rov ua kom tau txais txiaj ntsig kev ua hauj lwm uas haum nrog qhov ua tau zoo, cov peev txheej, qhov tseem ceeb, kev txhawj xeeb, cov peev xwm, cov peev xwm kev ua tau, cov kev nyiam, thiab qhov kev xaiv paub meej ntawm tus neeg siv khoom, suav nrog:

1. Kev ntsuam xyuas kev txiav txim siab txog kev muaj cai tau txais kev pab thiab qhov tseem ceeb rau cov kev pab cuam los ntawm cov neeg ua hauj lwm tsim nyog, suav nrog, yog tias tsim nyog,

kev ntsuam xyuas los ntawm cov neeg ua hauj lwm uas muaj kev paub zoo hauv fab thev naus laus zis kev txhim kho kom rov ua tau hauj lwm dua, raws li nqe §361.42.

2. Kev ntsuam xyuas los txiav txim siab txog kev kho kom rov ua tau hauj lwm li qub los ntawm cov neeg ua hauj lwm tsim nyog, suav nrog, yog tias tsim nyog, kev ntsuam xyuas los ntawm cov neeg ua hauj lwm uas muaj kev paub zoo hauv fab thev naus laus zis kev kho kom rov ua tau hauj lwm dua, raws li §361.45.
3. Kev tawm tswv yim thiab lus taw qhia txog kev kho kom rov ua tau hauj lwm, suav nrog cov ntaub ntawv thiab cov kev pab cuam kev txhawb nqa los pab ib tus neeg siv txog kev xaiv uas paub meej raws li nqe §361.52.
4. Kev xa mus thiab lwm yam kev pab cuam tsim nyog los pab cov neeg thov thiab cov neeg muaj cai tau kev pab kom tau txais cov kev pab cuam xav tau los ntawm lwm cov koom haum, raws li nqe §361.23, 361.24, thiab 361.37, thiab qhia rau cov tib neeg ntawd hais txog cov txheej txheem pab cuam kev pab rau tus neeg qhua uas tsim hauv nqe 34 CFR feem 370.
5. Raws li cov ntsiab lus txhais hauv §361.5(c)(39), cov kev pab cuam kho lub cev thiab lub hlwb kom zoo tuaj, txog qhov uas kev txhawb nqa nyiaj xiaj tsis tuaj yeem muaj los ntawm lub hauv puas uas tsis yog qhov chaw uas Lub Xeev xaiv cia (xws li los ntawm kev pov hwm kev noj qab haus huv los sis kev pab cuam sib piv tau los sis qhov xiaj ntsig raws li tau hais tseg hauv §361.5(c)(10)).
6. Cov kev pab cuam txog kev ua hauj lwm thiab lwm cov kev xyaum hauj lwm, suav nrog kev cov qhia kev hloov kho ntiag tug thiab kev ua hauj lwm, kev cob qhia kom vam meej hauv, tab sis tsis txwv rau, fab kev kawm tshawb fawb, thev naus laus zis, kev tsim qaub, kev kawm lej (suav nrog kev kawm tshawb fawb fab khoos phis tawm), tshuaj, kev cai lij choj, los sis phau ntawv kev lag luam, cov khoom, thiab lwm cov ntaub ntawv kev cob qhia.

Lus Cim Tseg: Kev cob qhia los sis cov kev pab cuam kev cob qhia hauv ib lub tsev kawm ntawv qib siab (cov tsev kawm txuj siab, cov tsev kawm ntawv qib, cov tsev kawm qib siab hauv zej zog los sis rau cov hluas, cov tsev kawm ntawv txog kev ua hauj lwm, cov tsev kawm ntawv fab tev niv, los sis lub tsev kho mob lub tsev qhia ntawv kev tu neeg mob los sis lwm lubtsev kawm ntawv tom qab them nrab twg) yuav tsis tau txais kev them nyiaj pab hauv qab feem no tshwj tsis yog tias tau siv zog ua kom kawg siab kawg ntsws los ntawm lub chaw hauj lwm ntawm Lub Xeev los ntawm lwm cov hauv paus los them rau qhov kev cob qhia ntawd. Saib hauv [Nqe Ntxiv A](#) ntawm txoj cai no txog cov ntaub ntawv ntxiv txog kev koom tes ntawm DVR hauv tus nqi ntawm kev cob qhia tom qab kawm them nrab.

7. Kev saib xyuas rau cov nqi ntxiv, xws li cov nuj nqis zaub mov, chaw nyob, thiab khaub ncaws, tshwm sim thaum koom nrog kev ntsuam xyuas txog kev txiav txim siab kev muaj cai tau txais kev pab thiab VR cov kev xav tau los sis thaum tau txais cov kev pab cuam raws li kev npaj rau kev ua hauj lwm. Muab kev saib xyuas thaum tsim nyog yuav tsum muab rhais chaw los ntawm IPE, ua tau thiab ua rau cov nqi nce ntxiv rau cov neeg siv khoom. Yog tias kev mus los thiab kev rhais chaw ua tau ob qho tib si, tus neeg siv khoom yuav muaj kev xaiv. Txawm li cas los xij, DVR cov nqi yuav raug txwv los ntawm qhov muaj tus nqi qis zog ntawm ob txoj kev xaiv.
8. Kev thauj mus los, suav nrog kev cob qhia kev siv tsheb thauj mus los rau pej xeem/cov kab ke. Tsuas tuaj yeem muab tau kev thauj mus los cuam tshuam nrog kev muab kev pab cuam hauv ntu no uas tus neeg siv khoom xav tau kom ua tiav cov xiaj ntsig kev ua hauj lwm.
9. Cov kev pab cuam rov kho kom ua hauj lwm dua rau cov neeg hauv tsev neeg, raws li tau hais tseg hauv nqe §361.5(c)(23), ntawm tus neeg thov los sis tus neeg uas muaj cai tau kev pab, yog tias tsim nyog, txhawm rau ua kom tus neeg thov lossis tus neeg uas muaj cai tau kev pab tau txais xiaj ntsig kev ua hauj lwm.
10. Cov kev pab cuam tus kws txhais lus, suav nrog cov kev pab cuam txhais lus piav tes thiab tus kws txhais lus ua lus hais, rau cov neeg lag ntseg los sis tsis hnov lus zoo, thiab cov kev pab txhais lus sib chww muab los ntawm cov neeg ua hauj lwm tsim nyog rau cov neeg lag ntseg-dig muag.

11. Cov kev pab nyeem ntawv, kev pab qhia txog kev kho kom rov ua tau hauj lwm, thiab kev taw qhia xub thawj thiab cov kev pab cuam kev txav mus los rau cov tib neeg uas dig muag.
12. Cov kev pab cuam ntsig txog kev ua hauj lwm, suav nrog kev nrhiav hauj lwm thiab kev pab nrhiav chaw ua hauj lwm thiab kev tuav hauj lwm, rov qab mus nug, thiab kev pab cuam soj qab.
13. Cov kev pab cuam ua huaj lwm uas muaj kev txhawb nqa raws li qhov ntsiab lus txhais hauv nqe §361.5(c)(54). Cov kev pab cuam ua hauj lwm uas muaj kev txhawb nqa, suav nrog kev txhawb nqa tsis tu ncuu thiab cov kev pab cuam uas tsim nyog lwm yam uas yuav tsum tau txhawb nqa thiab tswj tus neeg siv khoom uas muaj kev xiam oob khab tseem ceeb hauv kev ua haujlwm uas muaj kev txhawb nqa, muab rau ib leeg kheej los sis sib xyaw ua ke, thiab npaj thiab muab ua kom siv tau los pab tus neeg siv khoom kom ua tiav kev ua huaj lwm uas muaj kev sib tw. Muab cov kev pab cuam ua hauj lwm uas muaj kev txhawb nqa raws li kev txiav txim siab txog cov kev xav tau ntawm tus neeg siv khoom thiab tau qhia meej hauv txoj phiaj xwm txog kev ua hauj lwm. Muab cov kev pab cuam kev ua hauj lwm uas muaj kev txhawb nqa siab txog qhov ntau tshaj plaws 24 lub hli, hauv cov xwm txheej tshwj xeeb, tshwj tsis yog tias tus neeg siv khoom thiab VR Tus Kws Pab Tswv Yim pom zoo kom ncuu sij hawm kom ua tiav cov hom phiaj kev kho kom rov ua taus hauj lwm uas tau pom nyob rau hauv txoj phiaj xwm kev ua hauj lwm.
14. Cov kev pab cuam kev pab ntiag tug raws li cov ntsiab lus txhais hauv nqe §361.5(c)(39).
15. Cov kev pab cuam tom qab ua hauj lwm raws li cov lus txhais hauv nqe §361.5(c)(42).
16. Cov ntawv tso cai ua hauj lwm, cov cuab yeej, khoom siv, cov khoom lag luam pib, thiab cov khoom siv.
17. Thev naus laus zis kev rov kho kom ua tau hauj lwm dua raws li cov lus txhais hauv §361.5(c)(45), suav nrog kev hloov kho tsheb, kev sib txuas lus fab xov tooj, lwm yam khoom siv pab fab thev naus laus zis/cov cuab yeej.
18. Cov kev pab cuam hloov pauv rau cov tub ntxhais kawm thiab cov hluas uas muaj kev xiam oob qhab, uas pab txhawb kev hloov pauv ntawm tsev kawm ntawv mus rau lub neej tom qab kawm tiav theem nrab, xws li kev ua tiav ntawm kev ua hauj lwm hauv kev ua hauj lwm sib koom uas muaj kev sib tw, los sis cov kev pab cuam kev hloov pauv ua ntej kev ua hauj lwm rau cov tub ntxhais kawm ntawv.
19. Kev pab fab tev niv thiab lwm yam kev pab cuam sab laj los ua kev soj ntsuam kev lag luam, tsim cov phiaj xwm kev lag luam, thiab lwm yam uas muab cov peev txheej, txog qhov uas cov peev txheej ntawd tau txais kev tso cai los ntawm lub lab npauv kev ntiav neeg ua hauj lwm thoob plaws lub xeev, rau cov neeg muaj cai tau kev pab uas tab tom nrhiav kev ua hauj lwm rau tus kheej los sis kev sib txuas lus los sis tsim khiav hauj lwm lag luam me tam li yog qhov txiaj ntsig tau los ntawm kev ua hauj lwm.
20. Kev ua hauj lwm tshwj xeeb txhais tau hais tias yog kev ua hauj lwm sib koom ua ke uas muaj kev sib tw, txog ib tus neeg uas muaj kev xiam oob qhab tseem ceeb, uas yog—
 - o Raws li kev txiav txim siab txog ib tug neeg ntawm qhov ua tau zoo tsis xws li lwm tus, kev xav tau, thiab kev nyiam ntawm tus neeg muaj kev xiam oob qhab loj.
 - o Tsim los ua kom tau raws li lub peev xwm tshwj xeeb txog ib tug neeg uas muaj kev xiam oob qhab loj thiab cov kev xav tau ntawm lub lag luam ntawm tus tswv num; thiab,
 - o Ua los ntawm cov tswv yim hloov pauv yooj yim, xws li:
 - a) Kev tshawb nrhiav hauj lwm los ntawm ib tug neeg; thiab
 - b) Ua hauj lwm nrog ib tus tswv hauj lwm los pab txhawb kev nrhiav chaw ua hauj lwm, suav nrog:
 - i. Kev kho cov lus piav qhia txog txoj hauj lwm raws li qhov xav tau ntawm tus tswv hauj lwm tam sim no los sis cov kev xav tau uas tsis tau txheeb xyuas dhau los thiab ua tsis tau raws li tus tswv hauj lwm.
 - ii. Tsim ib lub luag hauj lwm ua hauj lwm, lub sij hawm ua hauj lwm thiab kev

- npaj ua hauj lwm, thiab kev saib xyuas tshwj xeeb (suav nrog rau kev ntsuas thiab tshuaj xyuas kev ua hauj lwm tau zoo), thiab txiav txim siab qhov chaw ua hauj lwm.
- iii. Siv tus neeg sawv cev tshaj lij uas xaiv los ntawm tus neeg, los sis yog tias tus neeg sawv cev raug xaiv rau tus kheej uas xaiv los, ua hauj lwm nrog tus tswv hauj lwm los pab txhawb kev nrhiav chaw ua hauj lwm; thiab
 - iv. Muab kev pab cuam thiab kev txhawb nqa ntawm qhov chaw ua hauj lwm.

Lus Cim Tseg: Muab cov kev pab cuam Ua Hauj Lwm Uas Yus Hloov Kho Tau raws li kev txiav txim siab txog cov kev xav tau ntawm tus neeg siv khoom thiab tau qhia meej hauv txoj phiaj xwm txog kev ua hauj lwm. Yog tias tus neeg siv khoom tau txais Cov Kev Pab Cuam Ua Hauj Lwm Uas Yus Hloov Kho Tau tam li yog Kev Ua Hauj Lwm Muaj Kev Txhawb Nqa, tuaj yeem muab cov kev pab cuam siab txog qhov siab tshaj plaws li 24 xyoos, raws li cov xwm txheej tshwj xeeb, tshwj tsis yog tias tus neeg siv khoom thiab VR tus kws pab tswv yim pom zoo los txuas sij hawm txhawm rau kom ua tiav cov hom phiaj kev rov ua kom ua tau hauj lwm dua tau txheeb xyuas hauv txoj phiaj xwm kev ua hauj lwm. Kev Ua Hauj Lwm Uas Yus Kho Yus Tau tuaj yeem muab siv rau hauv Kev Ua Hauj Lwm Uas Muaj Kev Txhawb Nqa, tab sis tus neeg siv khoom tsis tas yuav muaj cov kev pab cuam Kev Ua Hauj Lwm Uas Muaj Kev Txhawb Nqa los ua Kev Ua Hauj Lwm Uas Yus Kho Yus Tau.

- 22. Lwm cov khoom thiab cov kev pab cuam tsim nyog los pab tus neeg siv khoom khaws cia, rov qab tau los, los sis vam meej hauv kev ua hauj lwm. DVR cov kev pab cuam yuav tsum tau muab rau hauv qhov chaw sib koom ua ke, yuav tsum ua raws li tus qauv kev ua hauj lwm uas muaj kev sib tw, thiab ua raws li cov txheej txheem thiab/los sis [Cov Cai Tshwj Xeeb Fab Tev Niv](#) uas tau teev tseg rau cov kev pab cuam ntawd.

Cov Kev Paub Cuam Hloov Pauv Ua Ntej Kev Ua Hauj Lwm rau Cov Tub Ntxhais Kawm Ntawv 34 CFR 361.48 (a)

WIOA xav kom txhua lub xeev, koom tes nrog cov tsev kawm ntawv, los xyuas kom paub meej tias Cov Kev Paub Cuam Hloov Pauv Ua Ntej Kev Ua Hauj Lwm tau muab rau **tag nrho** cov tub ntxhais kawm ntawv uas muaj kev xiam oob qhab uas tsim nyog tau cov kev pab cuam. Cov kev pab cuam no yuav tsum ua kom siv tau nyob thoob plaws lub xeev rau **tag nrho** Cov tub ntxhais kawm ntawv uas muaj kev xiam oob qhab txawm hais tias tus tub ntxhais kawm ntawv tau thov rau DVR los sis twb tau txais kev txiav txim tias muaj cai tau txais kev pab hais txog DVR cov kev pab cuam.

Tus Tub Ntxhais Kawm Uas Muaj Kev Xiam Oob Qhab

Ib tug tub kawm ntawv uas muaj kev xiam oob qha yog ib tug neeg uas:

- Nyob rau hauv lub tsev kawm ntawv them siab los sis qhov txheej txheem pab cuam kev cob qha kawm ntawv tom qab tsev kawm them nrab.
- Muaj hnuv nyoog 14-21 xyoos.
- Muaj cai tau txais kev pab rau, thiab tau txais, kev kawm tshwj xeeb los sis cov kev pab cuam uas muaj feem cuam tshuam raws li Tshooj B ntawm Tsab Cai Hais Txog Kev Kawm Rau Cov Neeg uas muaj Cov Kev Xiam Oob Qhab (20 U.S.C. 1411 thiab lwm yam) **los sis** yog ib tug neeg uas muaj kev xiam oob qhab, rau lub hom phiaj ntawm nqe 504.

Xav Tau Cov Kev Pab Cuam Txhais Lus Ua Ntej Nkag Ua Hauj Lwm

Yog xav paub ntxiv, saib DVR [Qhov Lus Taw Qhia Txoj Cai Ua Ntej-ETS](#). [Kev Qhia Ntxiv Txog Lub Rooj Ua Ntej-ETS](#)

- Kev pab tswv yim txog kev nrhiav hauj lwm
- Cov kev paub txog kev kawm raws li kev ua hauj lwm, uas yuav suav nrog cov hwv tsam uas muaj nyob hauv tsev kawm ntawv los sis tom qab kawm ntawv, cov kev paub sab nraud ntawm chaw tsev kawm ntawv li ib txwm, thiab/los sis kev xyaum ua hauj lwm
- Kev sab laj txog cov hwv tsam rau kev tso npe kawm hauv cov kev hloov pauv dav-dav los sis cov txheej txheem pab cuam kev kawm tom qab tsev kawm theem nrab
- Kev cob qhia kev npaj kom ua tau hauj lwm hauv chaw ua hauj lwm los txhim kho cov kev paub fab kev sib raug zoo nrog neeg coob leej thiab kev ua neej nyob ywj pheej
- Kev qhia hauv kev tawm tswv yim rau tus kheej

Tus Tub Ntxhais Kawm Uas Tsim Nyog Tau Txais

Ib tug tub kawm ntawv uas muaj cai tau kev pab yuav tsum ua raws li lub ntsiab lus txhais ntawm ib tug tub kawm ntawv uas tseem tsis tau txiav txim siab tias muaj cai tau txais kev pab los sis tsis muaj cai tau kev pab rau DVR cov kev pab cuam.

Cov kev pab cuam yuav tsum muab txwv rau Cov Kev Pab Cuam Kev Ua Hauj Lwm Ua Ntej Ua Hauj Lwm (Pre-ETS). Cov tub ntxhais kawm uas muaj cai tau kev pab uas muaj kev xiam oob khab tsis tuaj yeem tau txais kev pab cuam ntxiv nrog DVR cov nyiaj pab, xws li, kev ua hauj lwm uas muaj kev txhawb nqa, kev cob qhia tom qab kawm theem nrab, los sis thev naus laus zis muab kev pab. Yog tias xav tau cov kev pab cuam no, cov tub ntxhais kawm yuav tsum thov txog DVR cov kev pab cuam, yog tsis li ntawd Pre-ETS cov nyiaj yuav tsis raug siv.

Cov kev pab cuam tus kws pab nyeem ntawv thiab pab txhais lus yuav xam hais tias yog cov kev pab cuam thiab tuaj yeem tau txais los txhawb nqa rau Pre-ETS ua ib qho kev pab cuam ntxiv.

[Lus Taw Qhia Txog Kev Nqis Tes Ua Kev Hloov Pauv \(TAG\)](#)

Cov Nyiaj Nqi Zog Tsawg Kawg Nkaus rau Cov Hluas uas muaj Cov Kev Xiam Oob Qhab CFR 397.20

DVR yuav tsum muab cov ntaub ntawv sib koom tes nrog lub cheeb tsam tsev kawm ntawv hauv zej zog txog cov kev pab cuam tshwj xeeb rau cov tub ntxhais hluas uas muaj hnuv nyoog 14-24 xyoos yog tias DVR paub txog cov neeg ntawd tias tab tom nrhiav txoj hauj lwm uas muaj nyiaj nqi zog qis dua tus qauv cai. Yuav tsum muab cov ntaub ntawv no kom sai li sai tau tab sis tsis pub dhau 45 hnuv tom qab ua tiav cov kev pab cuam, los sis 90 hnuv, yog tias tsim nyog siv sij hawm ntxiv vim muaj xwm txheej tsis tau xav txog uas yuav tsum tau txhais kom nqaim zog. Cov ntaub ntawv yuav tsum muaj cov hauv qab no:

- Cov Kev Pab Cuam Kev Hloov Pauv Ua Ntej Ua Hauj Lwm uas muab los ntawm lub tsev kawm ntawv thiab/los sis DVR raws li muaj
- Daim ntawv thov rau DVR uas pom tias lawv muaj qhov muaj cai los sis tsis muaj cai tau kev pab
- Cov tub ntxhais hluas tau txais qhov IPE uas tau kev pom zoo nrog lub hom phiaj kev ua hauj lwm sib koom ua ke uas muaj kev sib tw
- Cov tub ntxhais hluas uas muaj kev xiam oob qhab tsis tuaj yeem ua tiav cov txiaj ntsig tau los ntawm kev ua hauj lwm tau teev tseg hauv lawv qhov IPE thiab muaj rooj plaub kaw cia nrog DVR
- Cov tub ntxhais hluas tau txais kev sab laj txog kev ua hauj lwm, thiab cov ntaub ntawv qhia paub thiab kev xa mus los ntawm DVR mus rau lwm cov kev pab cuam hauv Tsoom Fwv Teb Chaws thiab Lub Xeev thiab lwm yam peev txheej kev pab cuam hauv ib tus neeg thaj chaw nyob uas muaj cov kev pab cuam thiab cov kev txhawb nqa ntsig txog kev ua hauj lwm los pab tus neeg kom tuaj yeem tshawb nrhiav, nrhiav pom, paub txog, thiab ua kom tau kev ua hauj lwm sib koom ua ke uas muaj kev sib tw.

[Cov Ntaub Ntawv Uas Yuav Tsum Muaj rau Cov Tub Ntxhais Hluas Kev Ua Hauj Lwm Uas Muaj Nqi Zog Hauv Theem Qis Tshaj Plaws](#)

VR Cov Kev Pab Cuam rau Cov Neeg Ua Hauj Lwm

DVR muab cov kev pab cuam rau cov tswv hauj lwm los txhawb kev nrhiav neeg ua hauj lwm, ntiav, tuav cia, thiab nce qib ntawm cov neeg xiam oob qhab. Peb ua hauj lwm los txhawb nqa lub laub npauv kev pab cuam kev lag luam sib koom ua ke uas txhawb nqa kev sib txuas lus nrog cov neeg koom tes ua hauj lwm, siv cov peev txheej ua hauj lwm kom tau raws li cov neeg ua hauj lwm cov kev xav tau, thiab ntsuas kev ua tiav los ntawm lub ntsuas kev ua tau zoo li keev pom. DVR lub luag hauj lwm yog los tsim thiab txhawb nqa kev sib raug zoo nrog Wisconsin cov lag luam, tsim cov kev daws teeb meem kom tau raws li kev xav tau ntawm kev lag luam, txuas cov lag luam mus rau DVR pab neeg uas muaj kev tshaj lij, thiab txhawb kev koom nrog lwm cov neeg ua hauj lwm raws li qhov tsim nyog.

[DVR Cov Kev Pab Cuam rau Cov Tswv Hauj Lwm](#)

DVR lub hom phiaj yog qhia cov lag luam txog cov txiaj ntsig thiab cov hwv tsam cuam tshuam nrog cov neeg ua hauj lwm uas muaj ntau haiv neeg thiab tsis cais leej twg, thiab txhawb kev lag luam los txhim kho cov neeg ua hauj lwm ntawd. DVR saib tus tswv hauj lwm lub tswv yim muaj nqis rau hauv VR qhov txheej txheem pab cuam. DVR thiab cov neeg koom tes ua hauj lwm koom nrog cov hauj lwm uas suav nrog cov tswv hauj lwm lub tswv yim txog cov ncauj lus neeg ua hauj lwm. Hauv cov kev pab cuam tseem ceeb rau kev lag luam, DVR ntxiv tej txiaj ntsig uas muaj nqis los ntawm:

- Kev qhia rau cov lag luam hais txog DVR pab pawg neeg tshaj lij thiab sau tag nrho txog DVR cov txheej txheem kev pab cuam, cov kev pab cuam, thiab kev txhawb zog.
- Kev qhia rau cov tswv hauj lwm txog cov hwv tsam los muab kev kawm thiab cov kev xaiv kev tshawb nrhiav hauj lwm raws li txoj hauj lwm rau cov tub ntxhais kawm thiab cov tub ntxhais hluas los ntawm kev xyaum hauj lwm, cov kev paub hauj lwm, thiab cov kev pab cuam hloov pauv ua ntej kev ua hauj lwm.
- Pab cov tswv hauj lwm nrhiav neeg ua hauj lwm, muab txoj hauj lwm los phim rau, ntiav, cob qhia, thiab khaws cov neeg uas muaj kev tshaj lij tsim nyog no los ntawm DVR cov pab neeg uas muaj kev tshaj lij.
- Txuas cov tswv hauj lwm mus rau cov peev txheej kev pab uas txhawb nqa cov neeg xiam oob qhab.
- Pab kev sab laj, kev pab fab tev niv, thiab kev txhawb nqa rau cov tswv hauj lwm txog cov kev pab cuam ntawm chaw hauj lwm, thev naus laus zis muab kev pab, thiab kev nkag siv tau.
- Muab cov ntaub ntawv qhia paub thiab kev sib sab laj txog kev ua hauj lwm ntawm cov neeg xiam oob khab, suav nrog cov txiaj ntsig/qhov paj ntsig tau rov qab los ntawm kev nqis peev txog kev txhim kho ntau haiv neeg hauv chaw ua hauj lwm, kev paub txog kev xiam oob qhab, thiab Tsab Cai Hais Txog Neeg Asmeskas Xiam Oob Qhab.

Kev Nthuav Qhia Ib Xyoos Ib Zaug thiab Cov Kev Pab Cuam Tshuaj Xyuas CFR 397.40

DVR yuav muab cov kev pab cuam no raws li kev sib cog lus. DVR yuav tsum tau muab kev nthuav qhia txhua xyoo thiab cov kev pab cuam tshuaj xyuas txog rau cov tib neeg qhov nyiaj khwv tau hauv cov nqi zog hauv theem qis tshaj plaws raws li daim ntawv pov thawj 14c. DVR yog lub luag hauj lwm muab cov kev pab cuam uas yuav tsum muaj nkaus xwb rau thaum uas DVR paub tus neeg no lawm. Cov tib neeg yuav tau txais cov ntaub ntawv hais txog kev cob qhia kev ua hauj lwm, kev ua hauj lwm uas muaj kev txhawb nqa, kev ua hauj lwm yus kho yus tau, kev nce qib hauv kev ua hauj lwm, kev pab tswv yim txog cov txiaj ntsig, thiab kev xa mus rau DVR thiab lwm cov peev txheej kev nrhiav chaw ua hauj lwm uas muaj nyob hauv lawv cov zej zog cheeb tsam.

Hais txog cov tib neeg uas tau txais kev ntiav hauj lwm nyob rau ntawm cov nyiaj hli qis kawg nkaus, yuav tsum tau muab cov kev pab cuam no ib zaug hauv txhua rau lub hlis rau thawj xyoo ntawm tus neeg ua

hauj lwm tus nqi zog uas qis tshaj plaws, thiab txhua xyoo tom qab ntawd rau lub sij hawm ntawm kev ua hauj lwm ntawd. Cov ncuu sij hawm yuav muab xam raws li hnuv uas DVR pib paub tus neeg ntawd lawm. Tej zaum DVR yuav tuaj yeem paub txog tus neeg ntawd los ntawm kev txheeb xyuas tus kheej los ntawm tus neeg xiam oob qhab, los ntawm kev xa mus ntawm lwm tus neeg sab nrauv, los ntawm tus neeg muaj kev koom tes nrog cov txheej txheem kho kom rov ua hauj lwm, los sis lwm txoj hauv kev twg.

Cov neeg yuav tau txais cov ntaub ntawv kom sai li sai tau, tab sis tsis pub dhau 45 hnuv tom qab ua tiav cov kev pab cuam, los sis 90 hnuv yog tias tsim nyog muab lub sij hawm ntxiv vim tias muaj cov xwm txheej uas tsis paub txog ua ntej, uas yuav tsum muab txhais kom nqaij zog. Yam tsawg kawg nkaus, cov ntaub ntawv yuav tsum muaj xws li:

- 1.) Lub npe ntawm tus neeg xiam oob qhab
- 2.) Cov lus piav qhia txog kev pab cuam los sis kev ua hauj lwm uas tau ua tiav
- 3.) Lub npe ntawm tus muab kev pab cuam los sis kev ua hauj lwm uas yuav tsum tau ua
- 4.) Hnuv uas xav kom ua kev pabcuam los sis ua hauj lwm tiav
- 5.) Npe kos ntawm tus neeg teev tseg qhov kev ua tiav ntawm qhov kev pab cuam los sis tej hauj lwm uas yuav tsum tau ua
- 6.) Hnuv kos npe
- 7.) Npe kos ntawm DVR cov neeg ua hauj lwm uas xa cov ntaub ntawv mus rau tus neeg xiam oob qhab
- 8.) Hnuv tim thiab txoj hauv uas xa cov ntaub ntawv mus rau tus neeg

[Kev Nthuav Dav Ib Xyoo Ib Zaug thiab Kev Pab Cuam Tshuaj Xyuas](#)

IV. KEV THEM NYIAJ TXOG COV CAI COV KEV PAB CUAM

Cov Kev Pab Cuam thiab Cov Txiaj Ntsig Tuaj Yeem Muab Piv Tau 34 CFR 361.5(a)(10)

Ua ntej muab VR cov kev pab cuam twg rau ib tus neeg siv khoom, los sis cov tswv cuab ntawm cov neeg siv khoom tsev neeg, tshwj tsis yog cov kev pab cuam raug zam los ntawm kev txiav txim siab txog cov txiaj ntsig muab sib piv tau, DVR cov neeg ua hauj lwm yuav tsum txiav txim siab seb cov txiaj ntsig los sis cov kev pab cuam uas muab sib piv tau ntawd twb muaj nyob lawm rau hauv lwm lub koom haum hauv tsoom fww teb chaws, lub xeev, los sis cov koom haum pej xeev hauv zos, los ntawm kev pov hwm kev noj qab haus huv, los sis los ntawm tus neeg ua hauj lwm cov txiaj ntsig kev pab, thiab seb cov txiaj ntsig los sis kev pab cuam ntawd puas muaj rau cov neeg siv khoom siv tau thaum lub sij hawm xav tau. Cov kev pab cuam thiab cov txiaj ntsig tau muab los ntawm cov koom haum tsis muaj paj ntsig (xws li, lub koom haum pab dawb, pawg ntseeg, Kev Xav Zoo, cov tsev muab khaub ncaws pab, thiab lwm yam ntxiv) thiab tus neeg siv khoom Kev Npaj los Ua Kom Tiav cov phiaj xwm Kev Txhawb Nqa Tus Kheej (PASS) los ntawm Kev Tuav Tswj Xaus Saus, ABLE cov as khauj, thiab Cov As Khauj Kev Txhim Kho Ib Tug Neeg Twg (IDAs) tsis muab xam tias yog cov kev pab cuam thiab cov txiaj ntsig uas sib piv tau.

Yog tias muaj, cov txiaj ntsig thiab cov kev pab cuam uas sib piv tau yuav tsum muab siv tag nrho los sis ib feem los them tus nqi ntawm VR cov kev pab cuam, tshwj tsis yog tias qhov kev txiav txim siab yuav cuam tshuam los sis ncuaj sij hawm:

- Kev nce qib ntawm cov neeg siv khoom mus rau kev ua tiav cov txiaj ntsig ua tau ntawm kev ua hauj lwm tau pom nyob rau hauv txoj txoj phiaj xwm kev ua hauj lwm.
- Kev nrhiav chaw ua hauj lwm tam sim ntawd.
- Kev muab cov kev pab cuam ntawd rau tus neeg siv khoom twg uas muaj kev pheej hmoo fab kev kho mob heev.

Cov kev pab cuam hauv qab no raug zam los ntawm kev txiav txim siab ntawm cov txiaj ntsig sib piv tau:

- Kev ntsuam xyuas kev muaj cai tau kev pab thiab kev npaj rau kev xav tau kev ua hauj lwm.
- VR kev pab tswv yim thiab kev taw qhia.
- Kev xa mus thiab lwm yam kev pab cuam kom ua kom cov kev pab cuam ruaj ntseg los ntawm lwm lub koom haum.
- Cov kev pab cuam nrhiav chaw ua hauj lwm.
- Thev naus laus zis kev kho kom rov ua tau hauj lwm.

Cov txiaj ntsig sib piv tau tsis suav nrog cov khoom plig thiab cov nyiaj pab cuam kawm ntawv raws li kev tsim nyog. Tag nrho cov txiaj ntsig sib piv tau yuav tsum suav nrog hauv IPE.

Kev Sib Koom Pab Nyiaj Txiaj 34 CFR 361.54

Wisconsin DVR yuav tsis siv los sis xav tau ib qho kev ntsuam xyuas kev xav tau nyiaj txiaj raws li ib qho xwm txheej rau kev muab kev pab cuam VR feem ntau. Kev ntsuas kev xav tau nyiaj txiaj, raws li tau thov los ntawm Daim Ntawv Thov Kev Pab Dawb txog Tsoom Fww Teb Chaws Kev Pab Tub Ntxhais Kawm (FAFSA), yuav tsum tau muaj rau cov kev pab cuam kev kawm tom qab them nrab.

Cov neeg siv khoom yuav tsum tau txais kev qhia tias lawv tuaj yeem koom pab yam yeem siab hauv kev them tus nqi cov kev pab cuam uas tau teev muaj nyob hauv lawv txoj phiaj xwm txog kev ua hauj lwm tab sis tas yuav ua li ntawd los tau.

Cov neeg siv khoom yuav tsum tau tshuaj xyuas thiab kos npe rau [Tus Neeg Siv Khoom Daim Ntawv Cog Lus Txog Cov Luag Hauj Lwm Fab Nyiaj Txiaj](#) thaum lub sij hawm txhim kho IPE. Cov neeg siv khoom kuj tseem yuav tshuaj xyuas daim ntawv cog lus no txhua xyoo los sis raws li muaj.

Cov Kem Qhia Txog Tus Nqi 34 CFR 361.50(c)

Cov nqi them nyiaj hais txog lub kem ntawv qhia txog tus nqi thiab hais txog cov kev pab cuam uas tau cog lus tau muab tsim los xyuas kom paub tseeb tias muaj tus nqi tsim nyog rau qhov txheej txheem kev pab cuam rau txhua qhov kev pab cuam, tsis yog qis-qis kom tsis lees paub tus neeg ib qho kev pab cuam tsim nyog, tsis muaj tseeb, thiab tso cai tshwj xeeb kom tus neeg cov kev xav tau thiaj li tuaj yeem muab hais daws tau.

34 CFR § 361.50 hais tias VR cov koom haum tuaj yeem tsim cov cai hais txog kev muab cov kev pab cuam suav nrog kev tsim cov kem ntawv hais txog tus nqi. Txawm li cas los xij, 34 CFR § 361.54(b)(3)(ii) hais tias cov tib neeg uas muaj cai tau txais SSI/SSDI vim lawv qhov kev xiam oob qhab yuav tsis tas yuav koom them nrog cov nqi ntawm cov kev pab cuam twg hauv IPE. Yog tias tus nqi ntawm ib qho kev pab cuam hauv IPE tshaj tus nqi them nyiaj uas tau tsim nyob rau hauv DVR kem ntawv qhia txog tus nqi, ces DVR muaj lub luag hauj lwm txog kev them tus nqi ntawm IPE cov kev pab cuam rau cov tib neeg muaj cai tau txais SSI/SSDI vim kev xiam oob qhab. Cov kev pab cuam thiab cov txiaj ntsig uas sib piv tau thiab kev nyiam rau cov kev pab cuam hauv Xeev tau hais hauv 34 CFR 361.53(a) thiab 34 CFR 361.50(b) tseem yuav muab los txiaj txim siab.

DVR lub kem ntawv hais txog tus nqi cov nqi them tau txais kev txiaj txim siab raws li kev tsom xam tus nqe uas muaj kev sib tw thiab kev tsom xam txog DVR cov nqi rau cov kev pab cuam no hauv ncuaj sij hawm uas tsis luv dua ib lub xyoo, tab sis tsis pub dhau ob lub xyoo. Raws li qhov tsim nyog, DVR yuav teeb tsa tus nqi raws li lub xeev, lub cheeb tsam nroog, los sis tsoom fwv teb chaws cov nqi pom zoo rau tib cov kev pab cuam uas yuav los. Yog tias siv cov txheej txheem no, nws yuav muab teev nyob rau hauv kem ntawv qhia txog tus nqi.

- [Txoj Cai Kev Ntxiv Hauv Txhua Xyoo A - Nyiaj Pab Kev Cob Qhia](#)
- [Txoj Cai Kev Ntxiv Hauv Txhua Xyoo B - Khoos Phis Tawj, Kev Pab Cuam Kho Mob, Cov Cuab Yeej Ua Hauj Lwm, Kev Thauj Mus Los, Kev Zov Me Nyuam, Kev Saib Xyuas, Lub Lag Luam Pib Ua Rau Tus Kheej](#)
- [Lub Kem Ntawv Qhia Txog Tus Nqi Thoob Lub Xeev](#)
- [Kev Ua Hauj Lwm Rau Tus Kheej - Txoj Phiaj Xwm Uas Tuaj Yeem Ua Tau thiab Lub Lag Luam](#)

DVR tau tsim cov ntawv cog lus tshwj xeeb nrog cov chaw muab kev pab cuam txog cov kev pab cuam thoob plaws lub xeev uas muab siv thiab tau txais los ntau yam uas keev pom. Txhua daim ntawv cog lus no tau muab piav qhia nyob rau hauv [Cov Cai Fab Tev Niv](#) los xyuas kom meej tias muab tau qhov them kev pab cuam sib xwm yeem. Tus nqi them rau cov kev pab cuam no saib raws li lub sij hawm nruab nrab thiab tus nqi ntawm kev muab cov kev pab cuam raws li tau piav qhia hauv [Cov Cai Fab Tev Niv](#) thiab muab tsim los nrog cov tswv yim los ntawm cov chaw muab kev pab cuam.

Cov kev pab cuam uas muaj nyob rau hauv cov ntawv cog lus no suav nrog:

- Cov Nqi Kev Tsom Xam Cov Txiaj Ntsig
- Cov Nqi Kev Xyaum Ua Hauj Lwm/Ua Hauj Lwm Ib Ntus
- Kev Qhia Txog Txheej Txheem Kev Ua Hauj Lwm (Uas tsis yog Kev Ua Hauj Lwm Muaj Kev Txhawb Nqa)
- Cov Nqi Kev Npaj Txoj Hauj Lwm, Kev Txhim Kho thiab Kev Nrhiav Chaw Ua Hauj Lwm

- Cov Nqi Kev Ua Hauj Lwm Uas Muaj Kev Txhawb Nqa
- Cov Kev Kev Ntsuas Xyuas Kev Ua Hauj Lwm
- Kev them nyiaj rov qab rau Tus Mais Ntsuas Taug kev Ntawm Tus Muab Kev Pab Cuam
- Kev Ua Hauj Lwm Uas Yus Kho Yus Tau
- IPS
- KEV TSHAWB NRHIAV Lub Khoos Kas
- Walgreens REDI
- Tub Ntxhais Kawm Ntawv Cov Cai Fab Tev Niv
- Kev Ua Raws Nkaus Li Txoj Hauj Lwm

WDAs tuaj yeem tsim cov nqi, cov txheej txheem, thiab [Cov Cai Fab Tev Niv](#) rau lwm cov kev pab cuam tsis nyob rau hauv [Lub Kem Ntawv Qhia Txog Tus Nqi Kev Pab Cuam Uas Tau Cog Lus Thoob Plaws Lub Xeev](#).

DVR tau tsim ib qho **txheej txheem kev zam**, [DVR Kev Thov Kev Zam/Daim Foos Txheej Txheem](#), kom muab siv yog tias tus neeg siv khoom xav tau kev pab cuam tshaj li tus nqi luam tawm rau cov kev pab cuam uas them los ntawm cov nqi them.

Tus Nqi Them Rau Kev Txiav Txim Siab 34 CFR 361.50(c)

DVR yuav txiav txim siab tus nqi tsim nyog rau cov kev pab cuam. Ib qho kev pab cuam uas yuav ua tau raws li cov neeg siv khoom kev xav tau *ntawm tus nqi tsawg kawg rau DVR* yuav yog qhov kev pab cuam yuav khoom.

- Yog hais tias ib qho kev pab cuam raug teev nyob rau hauv kem ntawv qhia txog tus nqi, cov nqi muaj feem cuam tshuam uas tau teev tseg yuav txiav txim siab txog qhov **nqi siab tshaj plaws** uas DVR yuav pab txhawb rau kev yuav khoom.
- Rau kev yuav khoom thiab cov kev pab cuam tsis suav muaj rau lub kem ntawv qhia txog tus nqi **los sis** muab teev nyob rau hauv lub kem ntawv qhia txog tus nqi raws li **“qhov siab txog”** tus nqi, **kev sib piv ntawm peb tus neeg muab kev pab cuam** yuav tsum nrhiav.
 - Thaum muaj ntau tshaj ib tus neeg muab kev pab cuam, tus nqi qis tshaj plaws yuav yog qhov siab tshaj plaws uas DVR yuav ua rau kev yuav koom pab rau kev yuav.
 - Yog tias tsuas muaj ib tus neeg muab kev pab cuam nkaus xwb, tus nqi tsim nyog them rau kev pab cuam, tsis pub tshaj tus nqi them rau lwm lub koom haum pej xeem, yuav muab coj los siv.

[Saib rau Tus Nqi Kev Them Nyiaj Kev Txiav Txim Siab thiab Daim Phiaj Ntaub Ntawv Uas Yuav Tsum Muaj](#)

Hauv txhua qhov kev yuav khoom, tus neeg siv khoom tuaj yeem xaiv lawv tus neeg muab kev pab cuam uas nyiam. Hauv kev txiav txim siab no, yog tias tus neeg siv khoom xaiv ib yam khoom los sis tus neeg muab kev pab cuam tshaj li qhov nyiaj them siab tshaj plaws uas tau tsim los ntawm cov txheej txheem saum toj no, tus neeg siv khoom yuav tsum tau them tus nqi ntau tshaj yog tias tau txais kev tso cai kom muaj kev zam. DVR yuav tsum tsis txhob tso kev txwv pob nyiaj rau cov pab pawg kev pab cuam tshwj xeb los sis txog cov kev pab cuam tag nrho uas muab rau cov neeg siv khoom.

[DVR Daim Foos Qhia Txog Lub Luag Hauj Lwm Fab Nyiaj Txiag](#)

Cov txheej txheem tau piav qhia hauv [DVR Kev Thov Kev Zam/Daim Foos Ua Raws Txheej Txheem](#) yuav tsum muab siv los thov, tshuaj xyuas, thiab teev tseg kev pom zoo ntawm kev yuav khoom thiab cov

kev pab cuam uas tshaj tus nqi tsum los ntawm kev sib piv tus kws pab cuam, cov ntawv cog lus, los sis cov kem ntawv qhia txog tus nqi. DVR yuav tsis muaj lub luag hauv lwm txog tus nqi ntawm cov kev pab cuam nyob lwm lub xeev ntau dhau ntawm tus nqi ntawm cov kev pab cuam hauv lub xeev yog tias qhov kev pab cuam yuav ua tau raws li cov neeg siv khoom xav tau.

Tej Ntaub Ntawv Hais Txog Qhov Xwm Txheej Fab Nyiaj Txiag Uas Yauv Tsum Tau Muaj 34 CFR 361.50

[DVR Phau Ntawv Qhia Txog Kev Siv Nyiaj Txiag](#)

Rau cov khoom thiab cov kev pab cuam raug nqi \$1,500 los sis ntau dua, tsis pab them los ntawm kem ntawv qhia txog tus nqi, los sis teev nyob rau hauv lub kem ntawv qhia txog tus nqi raws li qhov nyiaj "siab txog", yuav tsum muaj cov ntawv sau ua daim ntawv teev tseg txog kev sib piv tus nqi los ntawm peb qhov chaw muab kev pab cuam. **Lus Cim Tseg:** Yog tias muaj tsawg dua li peb tus neeg muab kev pab cuam los sis muaj qhov khoom los sis kev pab cuam muaj los ntawm ib tus neeg muab kev pab cuam nkaus xwb, yuav tsum muaj cov ntaub ntawv sau teev tseg kev sib piv tus nqi los ntawm cov chaw muab kev pab cuam.

Yuav tsum muaj cov ntaub ntawv txhawb nqa tus nqi ntawm kev txiav txim siab them nyiaj rau kev yuav khoom siv thiab cov kev pab cuam raug nqi \$500 - \$1,499, tsis tau txais kev them los ntawm kem ntawv qhia txog tus nqi, los sis teev nyob rau hauv daim ntawv kem qhia txog tus nqi raws li yog tus nqi "siab txog" (piv txwv li, kev sib piv hauv is taws nem, kev tshawb nrhiav kev tshaj tawm lag luam, kev hu xov tooj rau cov neeg muag khoom, lwm yam ntxiv.).

Txog rau cov khoom raug nqi qis dua \$500, xav kom muaj cov ntaub ntawv txhawb nqa tus nqi kev txiav txim siab them nyiaj, tab sis kuj tsis tas muaj los tau. Thov saib [Tus Nqi Them Nyiaj Kev Txiaj Txim Siab thiab Daim Phiaj Kev Ua Ntaub Ntawv Uas Yuav Tsum Muaj](#) yog xav paub ntxiv.

Ib qho kev pom zoo tshwj xeeb thov yuav tsum tau yuav khoom thiab kev pab cuam yog tias tus nqi yuav khoom tshaj tus nqi qis tshaj plaws uas tau txais los ntawm kev sib piv peb-tus nqi. Kev teev tseg txog qhov xwm txheej ntawm DVR kev tswj hwm kev pom zoo ntawm cov nqi them thiab kev pom zoo feb kev pab cuam rau kev yuav khoom raws li tau txiav txim los ntawm cov txheej txheem kev yuav khoom siv nyiaj txiag thiab/los sis qhov txheej txheem tshwj xeeb kuj tseem yuav tsum tau ua. Saib cov [Phau Ntawv Qhia Fab Nyiaj Txiag](#) yog xav paub txog cov ntaub ntawv sau tseg txog qhov xwm txheej ntawm DVR kev tswj hwm kev pom zoo txog cov kev zam kom tau kev tso cai ua ntej los sis kev sib txawv tseem ceeb los ntawm cov nyiaj tso cai qub.

Txog rau kev them nyiaj ncaj qha, xyuas kom meej tias tus neeg siv khoom tau txais cov khoom muag los sis kev pab cuam uas yuav los ntawd **thiab** cov ntaub ntawv hauv IRIS tias yuav tsum muaj cov nyiaj them rau cov neeg siv khoom tau muab siv raws li DVR npaj tseg. Kev txheeb xyuas qhov tseeb suav nrog cov ntawv txais nyiaj uas qhia tias tus neeg siv khoom tau them rau cov khoom los sis cov kev pab cuam. Saib [Phau Ntawv Qhia Fab Nyiaj Txiag](#) txog txoj cai thiab qhov txheej txheem kev txheeb xyuas qhov tseeb.

Yuav tsum muaj cov ntaub ntawv txog kev qhov kev txiav txim thaum:

- Cov neeg siv khoom tsis muab cov ntaub ntawv kom txaus los xyuas kom meej tias tau txais cov khoom siv thiab cov kev pab cuam thiab muab siv raws li npaj tseg lawm. Saib [Phau Ntawv Qhia Fab Nyiaj Txiag](#) rau cov txheej txheem sau thiab tsis tuaj yeem txheeb xyuas cov txheej txheem tshuaj xyuas.
- Tus kws kho mob tsis xa cov ntaub ntawv txaus uas cov kev pab cuam tau txais kev tso cai los ntawm DVR tau muab raws li DVR npaj tseg.

- Yog tias muaj pov thawj pom tias tus neeg siv khoom tau txais DVR li kev pab cuam los ntawm kev qhia tsis tseeb, kev dag ntxias, kev sib cav los sis kev ua txhaum cai ntawm tus neeg siv khoom los sis tus neeg sawv cev ntawm cov neeg siv khoom, sib tham nrog lawv Tus Thawj Coj los sis Tus Thawj Saib Xyuas WDA. Tuaj yeem ua kev txiav txim suav nrog kev them nyiaj nqi nplua, kev sau, thiab cov txheej txheem kev ua txhaum. Saib [Phau Ntawv Qhia Txog Nyiaj Txiag](#). (34 CFR 361.57)
 - Kev dag ntxias yog thaum ib tug neeg siv kev dag ntxias tsis raug cai los sis kev ua txhaum cai los npaj ua rau kom tau txiaj ntsig los ntawm fab nyiaj txiag los sis ntiag tug.

Kev Tso Cai rau Kev Pab Cuam 34 CFR 361.50(e)

Tag nrho cov kev pab cuam uas yuav los yuav tsum tau kev tso cai nyob hauv tej ntawv, raws li teev tseg hauv [Phau Ntawv Qhia Txog Fab Nyiaj Txiag](#), ua ntej muab kev pab cuam thiab raws li kev yuav tag nrho raws kev cai lij choj, hauv lub xeev, DWD, thiab DVR cov cai. Lub Chaw Hauj Lwm Saib Xyuas Kev Pab Cuam Rau Tus Neeg Siv Khoom Tus Thawj Coj los sis Tus Pab Tus Thawj Coj, raws li teeb tsa los ntawm Tus Thawj Tuav Tswj, tuaj yeem pom zoo rau kev zam raws li kev tso cai los ntawm txoj cai lij choj los sis kev cai tswj hwm rau cov cai saum toj no ntawm tus kheej. Nyob ntawm qhov xwm txheej, tsis ua raws li cov txheej txheem no tuaj yeem ua rau muaj kev qhuab qhia tus neeg ua hauj lwm. Tus neeg siv khoom los sis tus neeg muab kev pab cuam tuaj yeem lav rau cov nqi tsis tau kev tso cai. Saib [Phau Ntawv Qhia Txog Nyiaj Txiag](#).

Cov Qauv Cai Ntawm Tus Neeg Muab Kev Pab Cuam 34 CFR 361.51

Cov chaw muab DVR cov kev pab cuam yuav tsum tau ntawv tso cai, muaj ntawv pov thawj, muaj ntawv sau npe, los sis lwm yam kev lees paub, raws li tsim nyog, rau txoj hauj lwm, chaw ua hauj lwm, los sis kev pab cuam uas muab **los sis** yog tias tsis muaj cov kev cai no, lwm yam kev kev tuav pov hwm lub peev xwm sib npaug zog. Ib qhov chaw twg uas muab cov kev pab cuam yuav tsum ua tau raws li kev nkag tau thiab cov cai ntawm pej xeem kev ua raws li cov qauv cai uas yuav tsum ua tau raws li txoj kev cai lij choj. Qhov no yuav suav nrog ua kom tau raws li cov kev xav tau fab kev sib txuas lus tshwj xeb ntawm cov neeg siv khoom. Cov kws muab kev pab cuam kuj tseem yuav ua qhov kev txiav txim lees paub los ua hauj lwm thiab nce qib kev ua hauj lwm ntawm cov neeg xiam oob qhab.

V. COV CAI KEV KAW

Kev Kaw Tseem Ceeb Heev Uas Tus Neeg Xiam Oob Qhab yuav tau txais Txiaj Ntsig los ntawm VR Cov Kev Pab Cuam 34 CFR 361.43 (e)

Vim Wisconsin DVR qhov kev xav tias txhua cov neeg thov tuaj yeem tau txais txiaj ntsig los ntawm VR cov kev pab cuam, cov neeg siv khoom qhov xwm txheej tsis tuaj yeem raug kaw los ntawm tus neeg thov qhov txheej xwm vim tias tus neeg uas xiam oob qhab ntau dhau yuav tau txais txiaj ntsig. Txawm li cas los xij, yog tias nyob rau lwm lub sij hawm hauv cov txheej txheem nws pom tias tus neeg mob xiam oob qhab ntau dhau yuav tau txais txiaj ntsig los ntawm VR cov kev pab cuam, IPE yuav raug sau los sis hloov kho los ntsuam xyuas tus neeg muaj peev xwm koom nrog thiab tau txais txiaj ntsig los ntawm VR cov kev pab cuam. Kev sim ua hauj lwm ib ntus uas ua tau raws li tus qauv cai rau kev ua hauj lwm ib ntus yog qhov kev pab cuam uas yuav tsum tau muaj rau cov phiav xwm no. Yog tias tsis muaj kev sim ua hauj lwm ib ntus, yuav tsum tau muab lwm cov kev pab cuam kev ntsuas xyuas rau hauv cov chaw uas muaj kev sib tw thiab sib koom ua ke uas sib haum nrog tus neeg txoj kev xaiv uas paub meej. Kev txiav txim siab kaw ib rooj plaub vim qhov mob hnyav ntawm tus neeg xiam oob qhab tsuas tuaj yeem tshwm sim tau tom qab ntau cov hww tsam muab kev sim ua hauj lwm ib ntus dhau lub sij hawm txaus ua rau muaj pov thawj tseeb thiab

ntseeg tau qhov pov thawj uas tus neeg tsis muaj peev xwm tau txais txiaj ntsig los ntawm cov kev pab cuam kho kom rov ua tau hauj lwm dua hauv qhov txiaj ntsig los ntawm kev ua hauj lwm. Tsis muaj ib qhov tsvv yim kev ntsuam xyuas kiag uas tuaj yeem ua rau muaj qhov pov thawj pom meej thiab ntseeg tau.

Cov neeg siv khoom uas muaj cov rooj plaub uas muab kaw lawm vim tias tus neeg tsis muaj peev xwm tau txais txiaj ntsig los ntawm VR cov kev pab cuam hauv qhov txiaj ntsig kev ua hauj lwm yuav tau txais lub hwv tsam txog kev tshuaj ntsuam txog qhov kev txiaj txim siab ntawd txhua xyoo tom qab qhov kev kawm rooj plaub thiab thaum twg los tau tom qab ntawd yog tias thov los ntawm tus neeg siv khoom. Kev tshuaj xyuas yuav ntsuam xyuas seb tus neeg siv khoom qhov xwm txheej puas yuav tau hloov pauv thiab yog tias rov thov dua rau cov kev pab cuam tsim nyog.

Kaw Ua Ntej Kev Muaj Cai Tau Kev Pab 34 CFR 361.44

Cov neeg siv khoom rooj plaub yuav raug kaw yam tsis muaj kev txiaj txim siab txog kev muaj cai tau kev pab thaum tus neeg siv khoom tsis kam koom nrog, tsis kam txais kev pab cuam, tsis koom tes, tau tuag, los sis raug tsim kho. Rooj plaub tseem yuav raug kaw yog tias tus neeg siv khoom tsis tuaj yeem ua tiav qhov kev ntsuam xyuas los txiaj txim qhov muaj cai tau kev pab rau lub sijhawm txuas ntxiv, thiab DVR tau ua ntau qhov kev sim tiv tauj rau tus neeg siv khoom los sis, raws li qhov tsim nyog, tus neeg siv khoom tus neeg sawv cev los txhawb kev koom tes uas siv ntau cov hauv kev, suav nrog tus neeg hom kev sib tiv tauj uas nyiam.

Kaw Vim Tsis Muaj Cai Tau Kev Pab 34 CFR 361.43

Tus neeg siv khoom los sis, yog tias tsim nyog, tus neeg siv khoom tus neeg sawv cev yuav tsum tau txais lub hwv tsam rau kev sib sab laj tag nrho ntawm qhov kev txiaj txim siab txog kev tsis muaj cai tau kev pab ua ntej tus neeg siv khoom rooj plaub raug kaw vim rau qhov kev tsis muaj cai tau kev pab. Yuav tsum siv kev sim ntau zaus thiab ntau txoj hauv kev los tiv tauj tus neeg siv khoom. Cov neeg siv khoom yuav tsum tau txais cov kev pab cuam xa mus ib yam thiab.

Kaw tom qab Kev Txiaj Txim Siab Kev Muaj Cai Tau Txais Kev Pab

Tus neeg siv rooj plaub yuav tsum raug kaw tom qab kev muaj cai tau txais kev pab:

- Thaum uas nws tseem ua tsis tau los tsim txoj phiaj xwm rau kev ua hauj lwm.
- Tom qab kev ua tiav qhov txiaj ntsig ua tau los ntawm kev ua hauj lwm.
- Thaum VR cov kev pab cuam tsis tseem ceeb los sis tsim nyog ntxiv lawm.
- Yog tias tus neeg siv khoom tsis koom tes.
- Yog tias tus neeg siv khoom ua tsis tau qhov kev nce qib uas zoo txaus siab hauv txoj phiaj xwm kev ua hauj lwm.
- Yog tias tus neeg siv khoom tsis muaj cai tau kev pab ntxiv lawm (yuav tsum muaj kev sab laj nrog tus thawj saib xyuas).

Tus neeg siv khoom los sis, yog tias tsim nyog, tus neeg siv khoom tus neeg sawv cev yuav tsum tau txais lub hwv tsam los sib tham txog kev txiaj txim siab kaw ua ntej kev kaw. Yuav tsum siv cov kev sim ntau zaus thiab ntau cov hauv kev, suav nrog tus neeg siv koom hom kev tiv tauj uas nyiam, kom tiv tauj tau tus neeg siv khoom.

Kaw tom qab Tau Txais Qhov Txiaj Ntsig Ua Tau Los Ntawm Kev Ua Hauj Lwm 34 CFR 361.56

[Teb Chaw Meskas DOE RSA CIE Lus Nug Uas Nquag Nug Txog Ntsiab Lus Txhais](#)

Tus neeg siv khoom tau ua tiav qhov txiaj ntsig tau los ntawm kev ua hauj lwm tsuas yog tias ua tau raws li thiab tau muab teev tseg rau hauv cov cai hauv qab no:

- Cov kev pab cuam hauv txoj phiaj xwm txog kev ua hauj lwm tau muab koom pab rau kev ua tiav qhov txiaj ntsig ua rau los ntawm kev ua hauj lwm.
- Tus neeg tau ua tiav cov txiaj ntsig tau los ntawm kev ua hauj lwm uas tau piav qhia hauv tus neeg txoj phiaj xwm hais txog kev ua hauj lwm.
- Cov txiaj ntsig ua tau los ntawm kev ua hauj hauv qhov chaw kev sib koom uas tuaj yeem ua tau tshaj plaws thiab ua tau raws li cov neeg siv khoom qhov ua tau zoo, cov peev txheej, qhov tseem ceeb, kev txhawj xeeb, lub peev xwm, lub zog ua tau, kev txaus siab, thiab txoj kev xaiv uas paub meej.
- Tus neeg siv khoom tau txais kev them nyiaj ntawm los sis siab dua qhov nyiaj hli tsawg kawg nkaus thiab tau txais yam tsawg kawg ntawm cov nyiaj ua hauj lwm thiab them txiaj ntsig tau them rau lwm tus neeg ua hauj lwm zoo sib xws rau tib tus tswv hauj lwm nrog lub hwm tsam rau kev nce qib.
- Kev ua hauj lwm tau raug khaws cia rau **yam tsawg kawg** 90 hnuv hauv daim ntawv qhia hnuv hli.
- Cov neeg siv khoom thiab VRC xav tias kev ua hauj lwm kom txaus siab thiab pom zoo tias tus neeg siv khoom ua tau zoo ntawm txoj hauj lwm.
- Twb tau txais tej ntaub ntawv kev them nqi zog thiab muab tso rau hauv tej ntaub ntawv rooj plaub lawm.
- Kev ua hauj lwm muaj kev ruaj khov, thiab cov neeg siv khoom tsis xav tau VR cov kev pab cuam los tswj kev ua hauj lwm ntxiv lawm.

Lus Cim Tseg: Kev ua hauj lwm hauv qhov chaw tsis muaj kev sib koom ua ke los sis chaw nyob (kev ua hauj lwm txuas ntxiv) los sis kev ua hauj lwm tsis them nyiaj tsis suav tias yog qhov txiaj ntsig tau los ntawm kev ua hauj lwm raws li WIOA.

Kaw tom qab Tau Txais Qhov Txiaj Ntsig Ua Tau Ntawm Kev Ua Hauj Lwm hauv Kev Ua Hauj Lwm Uas Muaj Kev Txhawb Nqa 34 CFR 363.55

Cov neeg siv khoom rooj plaub yuav raug kaw thaum tus neeg siv khoom ua hauj lwm hauv kev ua hauj lwm uas muaj kev txhawb nqa hauv qhov chaw ua hauj lwm uas muaj kev sib tw, kev koom tes. Yog xav paub ntxiv txog cov chaw ua hauj lwm uas muaj kev sib tw, kev sib koom ua ke, saib hauv [Teb Chaws Meskas DOE RSA CIE Ntsiab Lus Txhais Qhov Lus Nug Uas Nquag Nug](#). Yuav tsum muaj kev lees paub meej txog cov kev pab cuam kev txhawb nqa ncuva ntev (xws li Kev Saib Xyuas Tsev Neeg/IRIS) tom qab rooj plaub kaw los ntawm lwm tog neeg uas tau txheeb xyuas hauv txoj phiaj xwm kev ua hauj lwm. Kev kaw yuav tshwm sim tsis pub ua ntej 90 hnuv tom qab hloov mus rau kev pab cuam txhawb nqa txuas ntxiv. Cov neeg siv khoom yuav tsum tau txais kev them nyiaj raws li Ntu 14 (c) ntawm Tsab Cai Hais Txog Cov Qauv Cai Kev Ua Hauj Lwm Ncaj Ncees.

Kev Ceeb Toom txog Ntu Tsab Cai Hais Txog Kev Kaw Kev Rov Kho Kom Ua Tau Hauj Lwm Dua 102(c) (2)

Ib tus neeg siv khoom uas nws rooj plaub raug kaw hauv ib qho laj thawj twg, tshwj tsis yog tias tuag los sis tsis paub qhov chaw nyob, yuav tsum tau ceeb toom qhia paub, sau ua daim ntawv, txog kev kaw rooj plaub, hom kev kaw, qhov laj thawj txog kev kaw, txoj cai thov rov txiav txim dua qhov kev txiav txim kaw thiab txheej txheem rau kev thov kom rov hais dua, suav nrog qhov muaj ntawm Qhov Kev Pab Cuam Pab Rau Cov Neeg Siv Khoom los pab kev thov rov hais dua. Cov neeg ua hauj lwm tsim nyog yuav tsum muab hwm tsam rau cov neeg siv khoom rau kev sab laj tag nrho ntawm kev kaw rooj plaub ua ntej kev kawm. Kev ceeb toom qhia paub rau tus neeg siv khoom los sis, raws li qhov tsim nyog, tus neeg siv khoom tus neeg sawv cev yuav tsum tau txais kev pab ntxiv, raws li qhov tsim nyog, los ntawm lwm hom kev sib txuas lus uas tsim nyog haum nrog rau tus neeg siv khoom txoj kev xaiv uas paub meej.

Kev tshuaj xyuas Cov Neeg Siv Khoom Ua Hauj Lwm raws li Daim Ntawv Pov Thawj Them Nyiaj Nqi Zog Tsawg Tshaj Plaws CFR 361.55

Yog tias tus neeg siv khoom rooj plaub raug kaw vim tus neeg tau ua hauj lwm raws li daim ntawv pov thawj them nqi zog tsawg kawg nkaus, kev tshuaj xyuas ib nrab xyoo yuav tsum tau muab ua txhua xyoo li ob xyoos, thiab txhua xyoo tom qab ntawd. Tus neeg siv khoom los sis, yog tias tsim nyog, tus neeg siv khoom tus neeg sawv cev tuaj yeem thov kev tshuaj xyuas ntxiv. Kev tshuaj xyuas txiav txim siab txog qhov kev nyiam, qhov tseem ceeb, thiab cov kev xav tau ntawm cov neeg siv khoom nrog rau hais txog ua hauj lwm uasm uaj kev sib tw los sis kev cob qhia rau kev ua hauj lwm uas muaj kev sib tw. Tus neeg siv khoom los sis, yog tias tsim nyog, tus neeg siv khoom tus neeg sawv cev yuav tsum muab kev tawm tswv yim rau hauv [kev tshuaj xyuas/kev rov ntsuas xyuas thiab kos npe rau daim ntawv kev lees paub](#). Yuav tau ua kev siv zog siab tshaj plaws los pab cov neeg siv khoom no koom nrog kev ua hauj lwm uas muaj kev sib tw. Yog xav paub ntxiv, saib mus rau [Kev Tshuaj Xyuas Txhua Xyoo - Kaw Ua Hauj Lwm Raws Li Lus Taw Qhia Txog Daim Ntawv Pov Thawj Tus Nqi Zog Qis Tshaj Plaws](#).

Daim Ntawv Qhia Txog Kev Muaj Vaj Huam Sib Luag Txog Lub Hwv Tsam

DWD yog ib qho chaw hauj lwm thiab tus neeg muab kev pab cuam hwv tsam muaj vaj huam sib npaug zog. Yog hais tias koj muaj kev xiam oob qhab thiab xav tau kev pab nrog cov ntaub ntawv no, thov ntaus 7-1-1 rau Wisconsin Kev Pab Cuam Txuas Lus. Thov tiv tauj rau Lub Chaw Hauj Lwm Saib Xyuas Kev Kho Kom Rov Ua Tau Hauj Lwm Dua ntawm (608) 261-0050 los sis tus xov tooj hu dawb ntawm (800) 442-3477 los thov cov ntaub ntawv ua lwm hom ntawv, suav nrog muab txhais rau lwm hom lus. Yog xav paub ntxiv, mus saib hauv [DVR Lub Vev Xaib](#).

DVR Phau Ntawv Qhia Ntxiv Txog Txoj Cai Txheej Txheem Pab Cuam A: DVR Kem Ntawv Qhia Txog Tus Nqi Nyiaj Pab Txog Kev Cob Qhia

DVR kem ntawv qhia txog tus nqi Qhov Nyiaj Pab Txog Kev Cob Qhia, pib hauv lub Yim Hli Ntuj 2017, tuaj yeem nrhiav tau ntawm [DVR Txoj Cai Daim Ntawv Qhia Ntxiv A](#) nplooj.

DVR Qhov Txheej Txheem Pab Cuam Txoj Cai Phau Ntawv Qhia Paub Ntxiv B: DVR Lub Kem Qhia Txog Npe

DVR daim ntawv teev nqi dav-day, pib hauv lub Yim Hli Ntuj 2017, tuaj yeem nrhiav tau ntawm [DVR Txoj Cai Phau Ntawv Qhia Paub Ntxiv B](#) nplooj.